

蘇魏公文集

萬靈著

蘇魏公文集卷一

宋太子太保右僕射同中書門下平章事司空魏國公蘇頌撰

逢年舜畊

裔孫萬靈錫經重秬

晉爵耀庭

古律詩

進南郊大禮慶成詩狀

右臣伏以禮行於郊由古謂之大事祭得其道先聖著於格言皇帝陛下受命皇穹繼昭仁考爰初纂嗣不忘丕承大報圉工恭展三年之禮祇見宗廟徧祀八世之靈至於朝享道宮肆赦端闕奉事長樂尊上冊文惟是親行之儀莫非盛德之事上意專懋熙事備成宜有咏歌被之金石臣幸塵詞館恭覩禮文思所以摠發精微形容萬一愧無鴻筆藻潤之美徒有蕪音累句之慚出於至誠不敢自蔽謹夙夜齋祓課成大禮慶成詩五首繕寫隨狀上進干瀆宸嚴臣無任惶懼屏營之至謹奏

大禮慶成詩五首

惟宋五世將郊泰元祇若前典欽崇道尊其日吉午天時薄寒帝出齊寢朝神紫

垣降輅就次被龍搢山禮薦蒼玉樂歌太安酌以瓊醴羞以靈殮颺御來格上誠

益虔思我基命系於帝軒真祖膺符錫類貽孫皇繼其志受祉彌繁炎炎景厯億

萬斯年

右朝享  
景靈宮

天命有宋系軒纂唐祖武宗文積厚流光奕奕清廟八祐同堂五時備饗百順儲  
祥皇帝孝思明發不忘躬執圭瓚再薦嘉觴公卿陟降鼎俎芬芳廣樂九變羣神  
迪嘗昭我先烈緝熙萬方永思繼述成不敢康始朝於廟詩歌嗣王列聖在天保

佑我皇

右薦享  
於太廟

惟皇繼天宅位三禋靈德及遠嘉生茂遂仲冬月良一陽氣至上將告成禮嚴肆  
類自廟徂郊萬靈拱衛天收宿霧日麗佳氣月踰既望再登午陛對越蒼祇配以  
太帝奠玉酌匏升煙燎幣志盡虔恭備成熙事玉輿旋衡歡聲沸渭皇專乃誠下

蒙厥惠

右有事  
於南郊

帝陟圜丘天降之祐嘉與士民均承福祚還御端闈躬布皇度雜星驗占鵠書臚

句慶浹天淵恩霏雨露滌垢棄瑕編祖薄賦三泉靡封五刑幾措太和各塞羣心

率籲自古無赦孰除註誤我朝本仁實清弊數救匪其私仁則有裕萬民以懷邦

基鞏固

右賜殿  
宣德門

大孝尊親治本人倫自家之政所以刑民天正元日帝郊畢禮將崇母儀爰即嘉  
辰正朝乾闥羽衛星陳金石既作公卿薦臻帝步西序躬咨爾臣授以冊寶極其  
禮文羣官在位靡不歡欣謂天子孝感於人神祝天子年後於靈椿皇心匪懈聖

慶惟新

右發冊  
文德殿

元日鴻慶宮朝拜二十韻

皇祐三年任南  
京留守推官

上國房心次仙都太紫微璧門開倣雉金闕立如暈昔聖躬三祀乘時動六飛奠  
圭渦曲乙鳴蹕渙陽歸孚號興王澤尊名象日畿經營原廟制度鞏上天威祖系  
崇軒鼎宗枋奉漢衣豫遊恩甚盛謁款禮無違卻顧和鸞跡咸嗟歲序非璿源流  
永永堯德冠巍巍我后遵鴻烈聲明極範圍乾坤扶寶曆日月拱琳扉朝會元正  
始班聯內著依敎官風憲肅就列羽儀輝北面鸞分黨東隅斗轉機寒銷冰玉砌  
風繞大龍旂瑞色花藏露徽聲霧散霏未竣真館集遙仰帝陽晞至治尤遐邇先  
猷重發揮邦人徒望幸延首向端闈

恭和御製賞花釣魚

四照仙葩次第開上林重覩屬車來雨晴馳道紆天步風引濃香到壽杯瑞燕入

簷時拂掠恩魚窺釣更徘徊柏梁絕唱容賡綴獨愧非才亦與陪

恭和御製上元觀燈

元豐五年正月畢仲衍押  
律高麗賜燕樓下賜詩

寶杯蓮燭艷宮臺萬戶千門五夜開樓下舞韶清吹發雲間鳴蹕翠華來九賓宴  
集占風使四近班陞構夏材自媿周南獨留滯十三年隔侍臣杯

恭和御製賜太師致仕文彥博五言六韻詩一首

曉日清明霽華林物色新詔頒慈惠宴恩厚老成人袞冕三川容杯觴四府臣獻  
酬同飽德愷樂盡含醇帝惜營邱去民思尹氏均宸章一褒賁道不愧如仁

恭和御製賜太師致仕文彥博七言四韻詩一首

出處逢時道不殊當年功立老閒居來膺綬冕三公命歸奉雲章五色書社稷元  
臣名已遂山河雄鎮寵仍疏瓊林詔錢衣冠盛豈止都門百兩車

謝賜御書詩五言十二韻

聖學天攸縱宸文日又新因攜鏤牙管分賜挈囊臣玉几繙經暇瑤宮賜宴長清  
躬忘旰晷宵藻出絲綸才賞唐詞客人稱賀李真開編掇風什灑翰落霜筠楷法  
前無古書評妙入神良慚孤陋甚獲對寵光頻得異登林誦藏過韞匱珍護持同  
始卒荷戴等穹旻職幸聯藉筆憂常念負新惟勤黃卷業仰答大君仁

進皇帝初郊大禮慶成詩狀

右臣伏觀今月十四日皇帝躬祀南郊禮畢者三歲一郊漢唐以來為定制二儀並侑祖宗之世皆親行蓋王者謹於承天而經典重於饗帝國之大事茲實為先伏惟皇帝陛下稟堯舜之聰明監夏商之忠敬明德恤祀靡神而不宗精意曰裡無文而咸秩爰卜天正之吉躬修郊見之儀前詔攸司聿遵先典內則稟訓於文母外則詢謀於通臣稽皇祐舊章既兩行於崇祀案熙寧故事當合祭於圓丘尊泰元富媪之靈徧六宗羣神之祀義兼聖孝禮盡情文瑄玉嘉牲合二精於志物黃鐘太簇備六樂於神祈煙燎配黎而四施休氣鬱葱而竟夕膺萬壽而禔百福叢慶於三宮暢九垓而沂八埏覃恩於庶物臣親逢熙旦叨領近司從警蹕之奔趨望廟止之陟降贊盛德之事雖莫究於儀形聽與人之言輒載屬於歌詠顧慚鄙俚難追謹訶謹夙夜齋戒賦成皇帝初郊大禮慶成七言二十韻律詩一首繕寫上進冒驕冕旒臣無任惶懼屏營之至謹奏

皇帝初郊大禮慶成詩

六帝貽謀聖繼明兩宮崇祀上躬行熙壇初展嚴裡報觀盥三終孝享成仰法祖宗尊本始致隆高厚罄純精告虔並薦圓方玉在滌交充蘭栗牲吉土兆南殊漢

時景圭迎至協周正羽旄備物甘泉伏觥陞層垓委粟營齋寢累朝思志意真廷  
穀日奉粢盛八神警蹕毆氛沴九狎梯航入貢菁過廟徂郊紆步武撤茵停蓋肅  
公卿服裘尚質遵前製配冊修辭正重名篆鼎割烹工奏夏午階登降斗旋衡先  
時非霧滋鱗隱竟夕祥光燭幔城鐘虛四廂庭樂畢樵蒸千石燎煙輕龍回雕輦  
昇峴闕鶴負恩書下采楹海外鷄星占澤霈樓前鼉鼓震霆驚風雲氣應靈臺候  
雷雨仁深犴圜清有昊感通欽輔德聿修畜畏念持盈旁求遺逸搜巖穴寬舍租  
逋惠隸氓天錫泰元神策瑞民歌華黍歲豐登老臣危從知何補敢次輿言頌太  
平

恭謝慶成詩十韻

嘉祐元年九月代劉相作時二府皆有詩議者云皆不逮  
劉公昔公聞之曰某久不事筆硯此親情蘇校勘所作也

人嘉其  
不特善

聖孝當天世繼明兩全能饗禮交行路朝躬款三年報齋寢先端七日誠穹厚博

臨通肸蠁祖宗嚴祀極專精冕章從質更新製鐘虞鏗純復舊聲

先是命禮官重  
定衮冕制度務

從簡質仍詔用  
舊樂以供祀事

舞佾前陳徽烈茂燎煙升達上儀成不祈厚福歸諸己務達龐恩

及庶氓還御端闈享大號載頌元厯慶鴻名歡謠沸渭盈都輦協氣旁流浹海瀛  
百辟旅庭紛獻抃四方延首效葵傾帝心虔輦常無怠億萬斯年享治平

終



蘇魏公文集卷二

宋太子太保右僕射同中書門下平章事司空魏國公蘇頌撰

逢年

裔孫萬靈重棊

耀庭

古詩

送鄭無忌南歸

我家本南閩處世若羈寓侍親從宦遊東西遷者屢因循歷年載未識南中路間  
歲至都城始與里儒遇嘗聞閩中奇英雋所叢聚山川降靈氣稟有時魁梧往往  
祥符中黃李稱獨步當時盛文物在廷充振鷺二子筮其間軒軒並鍾驅得志何  
所如康莊躍騏驎時文變新律高辭無累句人傳幼婦碑朝奏客卿賦奇器擅珪  
璧至音有韶濩當宁喜同時士林爭景附淵澄或無魚木秀乃生蠹嗟哉士之賢  
入朝嘗見惡叔才亦稍遺秘書觀四庫命窮時不偶伶仃獨翁孺名雖鼎甲貴官  
止徒勞污蹉跎三十年困躓卒顛仆伊予生後時舉頭徒企慕鄭子乃其甥肖貌  
何穎悟讀書博而詳措詞亦能鑄錫來至京國首與予款晤吾嘗念古昔人賢猶



愛樹况過賢之出何必緣雅素從遊遂無間往來靡常度近遭試秋官報罷不知  
故飄飄嘆窮途歸索不能具當路少知己腹心誰可布我嗟近世人齷齪何足數  
見善不能賊徒然用休嘆士有處憂困豈嘗一蒙顧勸君自求己何用頻齟齬還  
家樂詩書養心益堅固無因一傷手迺欲改前措澤約未成文尚能隱深霧齊禽  
戢其翼久亦蒙傳羽去况子氣方剛丁辰年未暮勉信子言勤勤蹈前趣更想  
渭陽賢懷道當有還王忱布范甯羊曇宗謝傳武子稱衛玠逢時迺騰鶩深源賞  
康伯傳經有訓註子其慕斯人戒哉惇向素還來取高第擢後膺帝顧更發翁孺  
名後來益垂裕作歌送子行子言豈虛諭

送王秀才出京

都城大雪酒價高我送故人傾濁醪酒闌置杯欲話別不覺中心生鬱陶丈夫聚  
散豈為念所歎人事多徒勞憶昔我年未弱冠西來觀藝遊神皋金門獻賦嗟失  
路因循四載何所遭京華碌碌少知己但聞嘲弄聲嗒嗒今年詔書恤西事大開  
言路丞羣髦因思平生負氣染臨事始可觀持操長纓羈敵豈無計策慮未獻徒  
心切感君壯志正凌厲術業沉究鈴與韜上書論畫兵家事直請西去親韃索又  
言若將衆十旅可為手足除紛搔踰時待報不聞命西秦便欲從遊遨束書攜劍

賢然去卻顧名利輕如毛我謂方今正急士帝言屢下搜英豪公卿悉意奉詔旨  
推賢好善如干旄勸君失意且韜養有能必見時稱褒中朝列爵本馭眾進任將  
相皆儒曹一時未遇何須歎吾輩豈久居蓬蒿

和邱與權秘校詠寶寄林成之進士

天下豈無寶此寶常曠之渾然肖天質不與璵璠雜萬產蓄精粹百靈常護押天  
王得而興人世留豈盍問將安所施邦國憑鎮壓問誰能為售靡物可酬答孰嗟  
道不行將以補千衲孰憂大厦推用以支眾庠在昔夏及周相繼登天榻搜索罄  
寰瀛異物悉歸狎萬玉會諸塗九鼎安於邾人神為交歡海嶽在呼欲無遠不奔  
趨無強不折拉區區霸者君猶能救收扱譬夫至音奏所聽纔鞶鞶晉強猶一戰  
齊盛成九合小邦願輸幣鄰境求盟歆至寶既見用光價日以洽豈若秦與趙爭  
璧相蹂躪其下數十代交功事矛甲用捨亦異道盛衰勢相沓得之權網震失之  
基本塌吾君系皇統威稜海隅匝大器固神局眾竒萃緹匣山塊及海靈盡護諸  
羅菴揀金磧礫中或不間砂鐵求珠淵泉底或見取麤蛤珉石尚珍藏理寧斥珪  
珎其間偶棄遺誠堪為嗟歎或是選擇殊非由道路狹淵哉二君言相投予意恰  
誰能借其辯九重育君闔上以啓聰明次以廣開納冀於涓塵中收拾祕箱笈明

時寧自疑本無雙刑法

送闔祕丞寧雋都

江西劇藩曰南康其山空青水育章環封十里十巨邑邑皆萬室居相望地窮吳  
境雜楚粵民生精急於豪強積姦登訟徂成俗吏治紛擾多類網緩其術轡乃縱  
弛繩以密網還滋彰中和之政固難立要在教化完隄防爾來守宰尤慎擇長人  
之計非尋常儀儀闔君文且敏風韻粹絜含珪璋昨從堯權薦稱最就委墨綬雋  
川旁周才治劇有餘地猶以驥驟騰康莊牛刀善騷解衆理排擊曾未嬰銛芒聲  
華早已擅朝采羣公稱薦交封章况今知己正當路拔擢賢俊登周行謂宜平步  
涉清要何乃遠官天一方平時進人用資履詳試政事觀循良毋嗟邑令尚沉滯  
昔賢為吏多踐揚漢庭卓魯終作輔孔門言季俱升堂於時百里振嘉譽逮今史  
簡傳清芳勉哉達繼數賢迹坐使慈惠流江邦政成賡代奏丹扆行矣臺閣看徊

翔

天禧寺竹

萬箇碧琅玕兩旁蔭潭沼叢深蔽巖麓幹直露雲表利影下交加山房上環繞昔  
嘗止鳴鳳今肯棲凡鳥笋抽龍種瘦籜墜孫枝小美勝會稽前珍逾汶陽篠免園

名非奇滑川比終少樵刪草根變客玩茶煙燎創亭僧意高論佛禪心了吾愛有  
霜筠一到忘昏曉

一本云每來到霜筠愛玩忘昏曉

寒食後一日作和林秀才

寒食初過一百五陌上風輕斂微雨宮花鋪繡淺深紅蜀柳垂絲千萬縷都人士  
女趁時節郡圃山樊樂樽俎肯教容易度春光來日清明更妍煦

暮春與諸同寮登鍾山望牛首

清明天氣和江南春色濃風物正繁富邦人競遊從官曹多暇交朋偶相逢並驅  
出東郊乘興遊北鍾陟險不蠟屐扶危靡措筇上登道林祠俯觀群支峯亂山次  
阡陌長江遠提封蕭條舊井邑茂盛新杉松攬物思浩浩懷古心顛顛念昔全盛  
時茲山衆之宗天都對雙闕霸業基盤龍六朝遞興廢百祀居要衝人情屢改易  
世事紛交攻當時佳麗地一旦空遺踪惟有出岫雲古今無變容

首夏即事與邱與權同韻作

朱曦漸永煩暑添薰風當畫飄前檐庭幽門邃塞帷簾景物軒豁又覘覘方池綠  
瑩波文恬兩傍森森生葦兼新荷未展排青尖上下交映開鑑奩園林果實繁李  
探原野麥秀勝稻稊羣飛衆走羽毛多求陰息影愁烹爛江南鬱蒸非類疢時雖

早熱人心懌忻笑語喧閭閻言此豐歲將飮饗正陽用事何太廉乃使陰沴相陵詹正當汗浹絺衣粘淒風忽生增縑織淫霖旬日橫流霑市井郊郭皆滄淹林實墜落誰捨擗麻麥散亂如刪鎌斯民愁嗟言成誦我時憂思坐閒欄方食不知味苦甜整齊几案抽書籤發策一以天人占少陰乘陽時最嫌小人當此多欺儉君子過之難懷謙天道雖遠誠可瞻上曰高明下沉潛四時中分寒與炎一氣不可相併兼推本事理知悉熾災害所起由清漸豈非奸孽當除熾又非直道傷諛諛孰居鼎鼎調梅鹽孰任閭闔懷韜鈴聖皇言動謀於僉布為利澤濡蒼黔將消浸沴頻深感召沖氣安危帖嗟嗟直口不可鉗誰當一探龍領髯

與諸同寮偶會賦八題

不期而會

況交以勢利君子期久要道義苟契合出處無阻遙龍興雲必從宮鳴商亦調樂哉此席會固非夙相招

待燈

黃昏蝙蝠飛空堂蟋蟀吟相對語未闌不覺更漏侵呼童持短檠注以蘭膏深皎皎見寒光良宵愜予心

坐久月初上

高軒微雨過初夕涼風生兀坐正幽寂雲間月華明移榻向寒堦遙望孤蟾清所  
思故人遠對此傷予情

色署獨鶴

常賦士衡雲兼懷惠連雪庭前聞清唳天外見寒月舞愛素琴橫飢思朝露潔問  
爾誰為羣威鳳在丹穴

府庠小沼

面向秦淮流背枕清溪水當軒觀未足鑿沼近可擬月明練光寒風動漪漣起不  
用植菰蒲惟將鑿容止

華藏竹

竹性本孤潔况在祇園中經年蔭華宇永日吟清風心虛大道合幹直賢人同雪  
霜任摧挫寒姿獨青葱

秦淮柳

古樹枕淮流橋邊與亭畔借問植秦堤何如在隋岸南朝正佳麗綺陌多攀玩嗟  
今非昔時榮悴俱可數

登賞心亭

秦淮接長江活活流不已高亭出城角四面盡湍水山川孤雲飛檻閣清風起望遠何所思故人在千里

與邱程凌林四君同賦食河豚

水族誠萬種茲魚非衆儔形龐而味異名與畜豕侔江南春風和乘時沂江流貪婪爾之能腥臊固相投膨膨逞怒腹駢競尖頭靡因梁筍獲謾污釜餌求虛傳百金貴不充四時羞假以薑桂芼薦之樽俎酬飽飲有奚適包藏乃為憂嗟予鄙異食顧此偏憎尤河魴風陳詩蝦蟆譏柳州腊毒戒厚味茲言實嘉謀盍投會稽牯更垂渭濱釣一釣蓬山鼇復連東海鯨割鮮輕屠龍和羹小函牛誰同厭若魚何必誇食鱸

遊保寧院練光亭同邱程凌林四君分題用業字韻

寺本梁瓦棺地臨吳建業何人構虛亭勝槩廢危堞巖扃豁常開江練靜相協洪濤雖震騰迅流終妥帖遶窮滄溟盡近與長淮接水色古今同潮聲朝暮協中間數洲渚來往擎桴楫搖深鳴根喧渡閣孤帆怯到此是安瀾游人無病涉滿檻霽光浮平林風勢獵黃昏烟引素清晚波成褶歸雲閑自飛列岫平如鉅秋岸狎鷗



鳥春城噪批頰園橘冬垂丹隄榆夏飛筴竹徑粉筠墜松梢銘露浥老檜倚軒檐  
幹勁如雄俠野花關黃紫格頑右婢妾離觴歌柳枝江人憶桃葉往事杳難尋欲  
問言成喋惟惜建邦都形勝敵岷鄴後人奉竺乾敝寺據山骨邑居正佳麗棟宇  
爭煒煜山遊鷺鷺羽池變炎灰劫鳳去臺遂空國移人亦惛興衰既代謝榮粹固  
相躡幸今明世逢早蒙湛恩浹安堵四民居飽食十僧饑吾儕正閑暇來遊失疲  
茶心朋况遨從雲梯屢登躡山川思慮清風雲抱懷愜百里見毫釐萬象入眉睫  
南望牛首峯雙闕儼重疊卻視虎路基石城猶發業北阜盤虬螭三山樹矛鈇風  
流非昔時事跡看載牒開尊忘醉醒縱論鄙嚙噉念當時值泰豈歎徑未捷經綸  
苟韜藏鼎飪終調燮攬景且留連無為利名攝

詠邱秘校山水枕屏

遠山近山各奇狀流水止水皆清曠煙雲到處固難忘筆墨傳之尤可尚古人銘  
枕戒思邪高士看屏助幽况左有琴書右酒尊怠偃勤興時一望

和林成之五題

客來

有客過我門開顏喜相見貧居何以待案上書千卷高論到古人終日自忘勸非

同豪富家絲竹留飲讌

城南

心樂郊原景人應似我稀城南時一到山寺幾忘歸  
新竹當行徑飛雲戀客衣誰能咏招隱向此息塵機

江上

何處偏傷江上春天涯失意未歸人片雲極望添鄉思  
孤棹隨波寄客身塞鴈來時憑遠信海鷗馴處見吾真  
休嗟進取無成去幸有榮名足慰親

西隣

西隣擊鼓北隣聽飲馬持戈密相應一朝奮躍事爭鋒  
朔氣充盈誇戰勝中原太平日已久刃頓兵閑空細柳  
二疆款附歲奔馳相載金繒萃淵藪飲肥服煖四十年  
但欲包藏忘德厚謀夫憤憤壯士憂屢獻忠言曾苦口  
廟堂高論正無為肯向平時議攻守朔方三十有六郡  
戶斂家輸佐行陣非無碩畫破妖巢直遣萬里威稜  
振皇天愛人猶赤子縱欲毆之言亦訥彼方束手聽  
誓盟重獲歲時贄琛賚斯民懷德樂休兵戍卒歸來解  
鋒刃皆言隣徼復清夷嗟哉強敵終難信

惜別吟

丈夫豈無淚不覺兒女悲今日獨潸然為別良交知交知不易遇一別會何時念  
茲出門去空有長相思非無樽中酒亦有桐與絲未飲先嘆惋欲歌還噤噫誰能  
諒予心惜哉此別離

蘇魏公文集卷二終

蘇魏公文集卷三

宋太子太保右僕射同中書門下平章事司空魏國公蘇頌撰

逢年

裔孫萬靈重棊

耀庭

古詩

題畫草蟲扇子

蠓飛蠕動誠微物尺素輕盈誰畫出一朝君手將動搖猶似吟風欲跳逸竹梢草際弄輕翰水墨淺深見纖質昔人徒愛明月詩何似今看老師筆

清暉茅亭

山僧構亭山之麓旋結茅蓬架園竹千年巖樹怪枝虬十畝龍池春水綠閑移賓榻向松軒一坐清風香馥郁誰為漱石枕流人老此優遊避喧俗

逢錢塘詩僧

把手忽相逢開談究詩義子雖浮屠流乃抱風騷志錢塘住山水一一助清思何處最堪懷飛來峰下寺

聞鼃

鼃黽何所恃，喧喧矜善鳴。不知穢污質，羣沸沼池清。游子得無淚，羈人若為情。華堂有絲竹，皆厭爾盛聲。

和邱林二君會程坦之家二詩

春晚寒未已，節候差季孟。木行怯初陽，水官恣餘橫。滂沱連月雨，愁嘆斯民病。已  
察四時和，更傷羣物性。園花半零落，猶逞晨妝靚。隴麥將痿摧，況值風威勁。我願  
天地心，慎舉陰陽柄。十雨應太平，時豐順睿聖。庶令疵沴消，各保寒暑正。無復三  
月中，慘慘行冬令。

天涯人未歸，飄然江海上。客心蓬任風，歸路萍隨浪。青雲少知己，白日多雅謗。著  
書見窮愁，倚門知抗讎。皇皇千名祿，戚戚足羞讓。豈特為身謀，所懷慰親望。昔人  
在困躓，寧復論得喪。吾徒抱道義，豈不保趣嚮。勉希一簞賢，無慕千乘相。卷舒各  
有時，出處當自諒。

奉陪府公賽雪橋公廟紀事兼呈倅幕諸君

北走出都門，寒坳冒初雪。言瞻漢三公，嚴詞奉遺烈。檐帷未行春，首茲薦腥血。念  
昨冬愆陽，時風少凝冽。長人惜燠，菑坐閣苦憂。愆遣吏造靈宇，精心致蕭炳。冥感

不踰旬同雲浸融結旬畿千里間滋液徧農暇兆於豐年祥倉箱行可閱報祈禮  
則然况乃人望缺前期告祝史按令肄儀絕俎豆載博肥尊壘涉芳飴朱幡朝啓  
行騎從紛交列雍容幕府盛陪預愧蒙拙聯行趨闕宮就位修罄折拜望已告虔  
歎詠想奇節惟昔漢之季奸雄逞權譎公初任州郡超然脫羈紲敢犯跋扈鋒終  
正狡吏讞靈威遁世賢先覺安民傑舉當仇無避義在親則滅入朝常武事出塞  
受師子朔塵息邊土疾風掃蟻穴屢進行惟危保終名不缺世闕著廟鼎庸勲刊  
冢碣清風邈十載血祀豈嘗絕時其福善事鄉人每談說水旱或崇雩響應甚昭  
晰神實依於人禱祀戒輕媒今茲罄誠禮庶可消青孽府公臺閣老家聲繼星契  
都圻出居留條令見施設比民慈惠師事神凜盛潔威行肅羣豪政成除一切貳  
車實邦英諸僚亦時哲儒雅資緣飾吏治賴闕決非才荷寬矜幸免事卑屑方欣  
盍簪得載詠嚶鳴闕期會間亦希宴遊時豈輟嘉此歲事和樂哉民共悅覽古極  
優游言歸日將朕

送趙君權中歸福唐兼呈陳季中

趙子抱經術儒林挺孤秀策足入上庠高誼諸生右秋闈再程文懷寶不見售京  
師首善地翹然俊賢囿朝廷舉新詔多士四方走主司搜擇艱有如羿張弣小善



或不遺寧當舍良茂豈非繩準高刀尺下難就得喪不在己自信非我疾歲窮感  
親心倚門方遠候都亭謝知己飄飄拂歸袖樂彼閩中幽里中賢友舊且復從其  
遊行義益充厚道存貴有用獨善古所陋明時無滯才子行當勉懋

送許當世職方通判泉州

仕宦遠故鄉古人之所譏懷祿去養親千鍾且為微當世倅州行二美其庶幾符  
竹非不貴誠與雅志違獨駕篲車東南去如飛所懷戀晨昏奚論官等威遙遙  
七閩山喬木正芳菲駟馬過舊遊道路增光輝榮觀足慰親佩綬紆銀緋上堂拜  
慶日喜氣生庭幃躬扶版輿去徑入牙城扉潭潭公府盛華顯猶爓暉膳羞盈其  
前酒紅魚鱗肥人生苟適意富貴安所希况今邦伯賢早辭尹王畿亦從北堂養  
再擁雙輪歸君欣舊知己復得相親依守相同鄉州會遇時所稀純孝自感人遠  
近聞風薇豈徒對交親誇詫畫錦衣

和胡俛學士游西池書事

皇都有滄池近在金商陌淵源控河汴襟帶引京索眾派瀉寒光一鑑涵空碧晴  
明天垂幕陰霽地滋脈烟嵐臨五湖氣象吞七澤漪連十餘里縞練千萬尺樓殿  
起參差門闥開岸客人間識方壺古來慚太液美哉臺沼名壯我帝王宅惟昔經

始謀茲見神武迹非同泗淵濫蓋用昆夷策萬乘紆警蹕羣官扈鑿輓津頭駐翠  
華唐中蒐亦籍水犀陳百旂畫鷁棹十隻時多呂梁人士有中黃伯旋淵齊出沒  
桅檣競跳躑鼓柁變魚麗飛江生羽翮一時軍事嚴四表皇威赫承平垂百年聳  
教重九譯朝惟講文物民亦厭金革樓戈無復用池籞因不易年年春風暮處處  
楔筵闌曲堤柳交陰上苑花遍折舟師校矟幢樂佾鏘金石翔禽鼓輕翰鮮鱗躍  
修額鳴鼙促繁節陰獸盪精鬼浮吹時往來綵標縱爭獲魚龍隨變態波浪相激  
射何妨試趨勇豈徒觀戲劇吾皇茲豫順庶物遂闔懌靈囿無禁止鄙人任遊適  
輪蹄去若狂錦繡委如積臨流錯杯盤列肆張愜帶金繒樂揮散米翠亂狼籍嘉  
會此難逢良辰真可惜前日瀛洲仙顧謂同舍客言此好時節豈當虛廢擲掩卷  
下直廬連鑣出東郭郊原朋盍簪舸舻浮擘指顧集珍羞餛飩膽肴核暫喜解  
朝纓仍便平岸紗幘清波入平望嘉果富新摘園奇插山丹水美繪霜鯽誼呼少  
停樽眺覽閑信屐畫橋躡虹蜺寶殿規楹碼再見瓊林芳重思曲江席寵恩徒欲  
報顛愚豈任責翩翩眾翹彥一一富才畫同時致榮階云誰量遠蹠曰予狹陋安  
本惟一逢掖無能拾青紫有志厲冰蘖久事州縣勞已甘簿書役公卿廣收揚文  
字誤倚撫得懷儒館鉉始識君門戟何乃英俊流不以才地隔同登石渠閣共閱

金匱冊飽食任嬉遊縣君奚補益所賴友賢能庶幾道襲謫茲遊誠可樂何辛謀  
見擇逮賦醉言歸都忘日之夕風雲一流散俛仰成宿昔集賢水廳郎雖章古風  
格感此意稠重足成言四百記彼集間事有如丹在白初惟侈榮觀終乃發幽蹟  
分明指行藏礪砢見肝鬲諸賢繼佳篇仲呂和無射辭源可渺瀰筆鋒俱書驍彼  
美雙南金輝映連城壁樂事子同賦聯編子有獲欽慕風雅情慰誨詩書癖滯思  
豁以開遙襟聳然釋報投愧芻蕘叩虛漫綉繹多謝久要言贈君歲寒柏

和胡俛學士紅絲桃

京都花品予嘗評大桃僅有十數名含絲繫豔今始識鮮色長藥彩紅纓春晴日  
暖助顏色灼灼一片朝霞輕鮫綃剪碎旋裝綴虬須摘盡將紉縈因知化工巧難  
狀偏於草木呈瑞精又疑華燈九光爛蜂蝶不敢來窺爭江南萱草易滋殖維揚  
芍藥初種成此花皆有紅絲號恨不同時相合并芍藥華春際愛玩常掛簾  
鈎瓊有客風流欲寄目主人喜笑張筵迎飛觴灑翰偏得意都緣尤物牽風情找  
雖多病不能飲猶思強舉花前觥

即席分韻送李才元學士守臨邛

君登石渠閣在再十過春編摩業既卒出入令已頌人情歎榮滯雅意猶逡巡襟

懷恬而曠鬢髮鬢如新躬隨省中籍念切堂上親前時動鄉思歸夢趨梁岷乞符  
去故里拜疏伏紫宸恩頒尺一詔寵駕雙朱輪朝為浮瀛侶暮作臨邛賓誰言蜀  
道遠自喜家山隣歲晏風慘慘行役心欣欣悵悵同舍友仳離照心人杯行莫辭  
滿分攜只明辰

和諸君觀畫鬼拔河

闕中古有拔河戲傳聞始盛隋唐世長絙百尺人兩朋遊以勇力相牽制芳華樂  
府務誇大黎園公卿謾輕肆拔山扛鼎烏足矜引繩排根非勝事當時好尚人競  
習鬼物何為亦能是展吳畫格入神品陸法尤長寫靈異蒲津古寺筆跡奇世疑  
二子之紕置旗門雙立眾鬼環大石當中坐渠帥蓬頭圍目牙奮踴植鼓揚桴各  
凌厲東西挽引力若停賦彩自分傾奪勢畫來已歷數百年牆壁歸然今不廢觀  
風使者集賢翁每遊其下幾忘味因令搨手裂齊紈橫卷傳看得形似精神氣韻  
信瓌詭毫髮輕濃皆髣髴持來都下示朋僚一見飄然動詩思諸公詩豪固難敵  
形容物象尤精緻氣完語健雋眾口二子聲名轉增貴予觀昔之善畫者心手規  
撫無不至窮奇極恠千萬端特出一時之用意鬼神冥漠不可詰豈有便能人勇  
智仙官佛像亦如斯變態隨時轉奇麗遂令來者信有說塔廟從而增侈費後賢

雖欲究端倪竟亦無由革頽弊因知怪誕一崇長漸靡成風滋巧偽茲圖他日遂  
流傳更使人心惑魑魅

補和王深甫潁川西湖四篇

甘棠湖

為湖始何人人賢物亦久所以甘棠名百年猶不朽

宜遠橋

溪流去無窮路遠更難盡信步到橋邊望中千里近

竹間亭

青青林間竹有亭才袤文林深隔囂塵人間見真尚

明月舫

月明照寒宵湖水白如畫縱覽泊中流清光應可就

刁景純學士寄示嘉篇述前後過潁遊覽之樂不鄙虛陋曲蒙推獎感歎不

足輒用本韻通成五十仰答來貺

昔歲寓文館雅志慕藩屏嘗聞近畿州勝絕惟南潁十年走京華官局苦閑冷欲  
求一麾去敷奏囊章請適會擇茲守乘時稿僥倖君相寵儒林念久貸譽肯旋蒙

左符賜上戴天恩併扁舟促行役洪渠遂奔猛飄然離塵囂有若出機穽從容光  
景多歷覽江山迥去都時值秋到官月逢病此邦信名區民愿俗無警昔守皆巨  
公今猶蒙鎮靖非才偶承乏繼治實多幸前賢有規模遇事見要領因茲頗閑暇  
得以探物景溪湖遠郡郭臺榭跨岡領春媚花百名秋香荷十頃野色連莽蒼水  
容迷淥淨虹駕遠路長鷓泛源流水幽尋窮勝處登陟疲足脛適意自留連對人  
成詫送是時汗流阻北客多過境景純罷山陰前旆亦南騁予達丈人行再拜肅  
襟衿君待同舍生抗禮均儕等公齊薦具薄主席奉陪鼎饋以清淮魚報我龍山  
茗西園復追從繼日承音譽胸懷坦而夷不事畦與町杯盤命鑄簡絲竹煩正訂  
橫管教吹羌新聲賞歌邦善謔劇笑諧盡歡忘醉醒自茲別經秋多故直憂梗七  
月會同軌遠臣傷弔影交舊少經塗酒布但虛皿兀然坐空閣何異蛙在井故人  
勤眷盼尺書詢動靜新書三百言斷句露鋒穎念舊起悲傷曾遊皆記者眷予忝  
疇襄被愛踰踵頂感慨知己心中藏聊自儆景純書閣老二紀酬甲丙當年文雅  
譽久合登西省心貪為郡樂旌旄屢操秉徊翔成淹留前革今誰竝復聞乞淮藩  
早已飾歸艇南河如可棹北渡時引頸溪亭待清掃賓具重修整還當揖前塵晤  
語慰縣耿

省中早出與同僚過譚文忠西軒詠太湖石

洞庭山連震澤水怪石巉巖出波底誰言行遠莫致之好事經營俄至此愛君小軒才衮文滿地新芳雜紅紫偶來憑檻見奇峯便有江湖秋思起

送朱郎中壽昌通判河中府

邶詩詠凱風以成孝子志鄭人復君母傳稱能錫類中郎常有懷生不識所恃登朝雖厚祿當食每忘饋念昔鞠育勞嗟今出處異倚門豈不待兩求終莫致乳烏思反哺哀鳴自垂翅百草搖春暉寧無謝生意灑血向穹壤解組出臺寺馳驅咸雍郊歷訪經行地至行感神明精神通夢寐悠悠大道傍親息忽相值紫綬拜北堂白頭歸長嗣悲忻敘異濶况如隔生事四紀世路殊一朝板輿侍茲事昔未有聞者共驚喟帥守為之言詔趣還官次當年二十石寵名非所利仕或便鄉闈安用竹符使蒲中母家近自屈為伴貳受命慰慈顏騰裝擬歸思既徇報德心亦安效官智觴以萬壽薦衣成五綵戲無復興寒泉何須賦大隧令人及聖善孝慈兩不匱贈言述高風庶用激忠義

寄題徐郎中鄱陽高居望雲臺

子年在江海心存魏闕下君居雖遠方不忘朝廷者築室負郊郭虛堂連廣廈浮



梁江湖間風物最蕭灑官罷得優閑一到休車馬開軒命賓客碁壺雜觴竿園亭  
助登覽山川入騷雅霄漢不可跂悵悵誰能捨目睇西北雲丹誠此傾瀉出還擁  
旌旗歸復傲林野真得吏隱趣豈累榮名假宦遊羈縲中道意如君寡

秀才石君子同年子也攜書見投重之以歌詩意甚勤厚其歸也邀余言為  
贈因作五言以勉之

石生故人子袖書遠相過趨翔有父風步濶冠我我自言少也孤奉親由江都區  
區營甘旨靡暇謀其他三十未有成無門託絲蘿求知走四方慷慨成悲歌願我  
舊朝采謂能激餘波多慚僻郡守局趣如生何空持贈我句坐閣長吟哦方今紹  
唐虞國論崇邱軻舉士用經術革去辭章訛詔書起遺逸草澤咸搜羅高爵待俊  
傑世礪鈍以磨君子務藏器生其勤切磋乘時挾才策繼世收賢科壯懷無自忽  
流年易蹉跎

石縫泉清輕而甘滑傳聞有年矣前此數欲疏引入州治久不克就予至則  
命工人尋舊迹相地架竹旬月而水懸聽事又析一支以給中堂一支以  
入西閣其下流則醜出外廡往來取汲人以為利因抒長篇以紀其功云  
峩峩鳳凰山有泉出其腋初微才濫觴漸大乃穿石靈苗陰茶櫃寶氣近金錫誌

彼淵源長茲惟雲霧液人傳煮茗奇味與中冷敵陸生不到此云誰能賞識牙城  
據岡巒舊井皆滴瀉先時屬經營曾未致點滴及此川谷盈空為畎澮積我昨尋  
勝遊偶見為心惻料工度山原舉步過門戟水道茲可行面勢正相直剪裁竹千  
竿接聯筧萬尺冰別起中阿架空踰下稷不及浹旬間已到堂皇側吐溜始涓涓  
循除俄瀲灩盈科殊未止過穎非用激公堂及燕寢股引各疎脉何期南澗流近  
在使君宅日用助烹爨歲儲供醴醕冬春雖暫竭秋夏多餘瀝一支出橫廊通衢  
見勿幕眾器競挹斟萬口得盥滌無愧抱甕人幸寬挈壺役嘗聞武林都素號蓬  
瀛國非才叨長臨偈日若誼劇湖山空在望車馬難屢厯阻聽潺湲聲謾憐蒼翠  
色自得飛泉來頓覺煩襟釋常時兩衙退暫憇一軒息環流隨啟處玉音聞几席  
塵土汨以消形容清可覩誰知簿領中有此山林適若非仕江鄉何由見竒跡智  
者必樂水君子以觀德豈徒狎而玩寧嗟潔不食良嘉上善功所至為利澤茲泉  
雖未大其用已為益猶有膏潤資更期釀導力來哲倘不遺庶幾成遠績

蘇魏公文集卷四

宋太子太保右僕射同中書門下平章事司空魏國公蘇頌撰

逢年

裔孫萬靈重棊

耀庭

古詩

次韻蔣頴叔金部遊介亭望湖山二十四韻

我昨來餘杭孟陬值杓建春色正融怡皇華紆賸眄言此佳山水巧麗極怪變有如畫屏風羅列圍四面城南古浮圖又為一郡冠聯驅松徑中信步蒼崖畔莓苔粘履屐虬枝拂簪弁縱覽識高深顧慕增詫嘆心迷真賞竒境覺旅遊倦物色雖難窮指注亦粗遍樓臺巒相望無異挂盤線向非適幽返何由盡聞見惟昔吳越君塔廟務華煥依山鑄大像疊石累高岸經構無已時貲費豈復算較其輿地中佛寺占過半榮華一朝盡金石空殘片款識刻猶存排衙行不亂虛亭復增修郡府餘壯觀故人柏臺彥早歲歷監殿自從交臂來幾回傷聚散聲光日以高使節復頻換江湖偶追陪旬浹停車傳更有山林期茲焉適予願

次韻蘇子瞻學士臘日遊西湖

臘日不飲獨遊湖如此清尚他人無唱酬佳句如連珠况復同好相應呼君常聽事嗟罪孥雖在樂國猶寡娛是社稷臣魯頌臾直道自任心不紆最愛靈山之僧廬彼二惠者清名孤案上梵夾牀龍鬚鑪銷都梁饌伊蒲潔行自欲敦薄夫長吟擁褐忘昕晡坐客不設擅翫能對鏡如看方輿圖君懷經濟才有餘名聲妖孽懲顏籛且來山林尋遁逋更玩四營兼參摹

陳和叔內翰得莊生觀魚圖於濠梁出以相示且邀作詩以紀其事

公堂四合臨中衢翰林壁掛觀魚圖傳之近自濠梁客云是濠邑先生居先生昔仕楚園吏傲世不斬卿大夫消搖淮上任造適高岸偶見羣鱗魚清波出遊正容與潭底傳沫煦以濡悠然餌綸不可及誰知此樂真天娛惠施好辯發闕論謂彼固異若與吾至人冥觀盡物理豈以形質論精粗稟生大塊厥類衆合則一理散萬殊淵泉陸走各自適天機內發寧拘拘鳶飛戾天獸易數騰蛇遊霧龜曳塗味色誰能辨帶鹿足頸烏用嗟蛇鳧蝦牀信美害愛馬鐘鼓雖樂愁鷄鷓青寧久竹代生變蠱蟲風化相嗚呼方遊溟海大空外坎井詎能談尾閭若知飛息分皆足圖南未必勝槍榆人生均是受形氣好惡歡養同一區死生壽夭亦大矣自本而

視奚有無方當在夢則栩栩及其既覺還遽遽入榮軒冕不累性獨往邱壑非為  
愚不求刻意不徇利孰是隱几孰據梧惟能應變不囿物天籟自與人心俱一從  
郢匠喪其質狂言空見傳於書當時陳迹復何在客有過者猶踟躕先當朝士題  
咏處不見綦履空遺墟畫工智巧良可尚景物縱異能傳摸古今變態盡彷彿曰  
暮烟雲隨卷舒遂令都邑繁會地坐見淮山千里餘泛觀既已忘物我企想豈直  
思卒虛惟公雅尚每耽玩特示同好良勤渠自憐衰老喜求舊况荷朋照均友于  
朝陪玉堂暫晤語暮入華門還晏如欣然共樂濠上趣相忘正在於江湖

次韻蔣頴叔同遊南屏見惠長篇

青山橫莽蒼萬石出南麓古剎表者閣高聳聳羣玉居惟擇岡巒近靡數松竹郡  
郭路非遙遊人春不宿陟嶽極躋攀循崖勞偃伏架筒引流泉跨嶺構重屋講坐  
據妙峯禪堂對枯木幽尋難屢期將往誰能獨偶逢霜臺客暫駐驄馬足聯步訪  
叢林終朝走郊牧相期方外遊頓忘河上曲夷路喜君騰高閣慙予束吏聽名理  
言俯愜中心欲况已證真常詎止齊寵辱願言挹清風可用警浮俗

次韻蔣頴叔同遊超化院

賢良才識明御史風望清命駕千里至  
頴叔自杭州來杭高談一坐驚舊故偶獲道離憂

自茲平揭來湖上寺共語堂西楹念昔一交臂幾年兩搖旌契濶信靡定邂逅欣  
偕行日薄聊頓轡興來再飛觥霜林墮丹葉泉坻結新冰湖月金炯炯竹風玉玲  
玲峯巒對三山樓殿如九成南州足竒麗此地尤兼并因君發題詠足使增嘉聲

次韻三弟學士題七寶英師壁

巖居得幽勝俗累無憂傷占彼鳳山腋建茲法雲堂宵眠一氈蒲晝食幾榻梁淨  
衆集善緣勇猛能自強瑞相嚴中楹梵夾羅四旁軒窗據蒼崖松竹圍重岡不雜  
人世喧更覺禪味長我嘗命賓友間或攜肴觴中休憇文室遠覽登上方念昔保  
城塹屹然壯金湯列利以百數息民殄千殃爰居盡樂土利用無缺戕遂使吳會  
俗長為禮義鄉何獨竺乾域寶山自清涼

與蒙城知縣陳著作同賦吐綬鳥

羽毛之美其類衆雉曰吐綬世尤重靈姿異稟來何方有客攜持自咸雍朱龍馴  
習繡整調珍貴不與常禽共庭前愛玩不能已欲買未有千金俸一座嘉賓共詫  
誇留連為倒春醪瓮送將題目與詩人要待清才如屈宋斑斑亦質鬪花文璫璫  
明珠絡衣縫暖風晴日正閑暇綺翼丹跂時鬢鬆垂胡兩組錦舒張紺髮雙拜玉  
浮動倏忽披開疊勝文蒙茸亂縮青絲綜初疑瑞草銜鶻喙又訝羗纓影馬鞞行

滕赤芾交脛足羽服袿衣曳蜺螭漢官綬戾何須染鄭公書帶徒勞種引頸纒盈  
尺寸間鏤彩盤條無缺空未容俯近復卷收頃刻無由發清唳向人顧盼雖無言  
奮臆猶如將告控有生之樂貴得所所樂山林殊市闕斤鴟飛翔本蓬蒿鷓鴣社  
稷存梁棟不慕爰居享鐘鼓要逐鳥鷺唳旅封臨流照影刷羽翰朝飛求偶隨羣  
從十步一啄百步飲烏用樊中久羈控主人提挈誠厚恩豈若郊原使閑縱我聞  
章服以旌禮物有等威須折衷鞶囊屬帶最光華寵錫或招三褫訟惟茲異類亦  
何知被服文章安所用得非造化有羣倫美惡短長皆適中凡物有用固為災矯  
性傷生尤可痛介特一死古士摯得時三嗅子路共晉室文表或遭焚羽山夏翟  
先修貢解顏亦取如皋獲離叢已入王詩諷旌旄甚盛見楚人樂綴有數聞衆仲  
嗟嗟才用既若斯竄伏何由脫羅總今雖窘束苦籠檻猶勝烹燂充調供徘徊且  
逐稻粱肥莫厭庭除資好弄方今太平物遂性異獸奇禽罷供奉庶民咸樂萃靈  
臺上苑虛開發雲夢西雖既已翔振鷺阿閣終當集靈鳳佇見觚稜神爵棲重歌  
蜀使碧鷄頌惟爾文華固異常効祥薦祉宜飛輶近郊數牧好遊遨應須一借扶  
搖送

次韻陳蒙城金風堂射飲



南都綠蟻封初折西圃芳條換新碧賓僚相遇惜餘春樽俎留連因促席百夫決  
拾看和容何用娛賓循飲格前者新詩嚴武事幾日毬場較鋒鏑幕中賴有從事  
賢抱器逢時隼當射聊從把酒發笑談豈獨鳴弦觀準的分明爭計算多少舉令  
都忘歌節拍蒙邑大夫富才藝草擅詞林名藉藉昨來州序偶淹留幸接語言踰  
宿昔行籌不必苦辭觴得雋况曾先射澤多慚病守鮮歡惊出口無奇但啗啞食  
榮竊祿未能歸每聽春禽愁杜魄今朝何似強開顏為喜尊前有嘉客

和蔣頴叔亳州矮檜

檜生本修直此種特殊異高不盈尋丈廣乃遍塔砌短幹自堅強附枝交蔭翳森  
然葆羽歌隱若虬龍墜不知何代有木老色彌翠常聞古仙者應化在茲地手植  
有遺迹深根幾千歲神靈應護持道宮存款識自此物色繁因為圃人利封殖雖  
地宜屈蟠由巧智以彼凌雲姿還同蔽牛類拳曲如能壽輪囷不為器誰云矯生  
質終亦遺世累詩伯一留題禪叢重增貴豈若榴檉然空傳草木記

遐日遊逍遙臺觀南華塑像獨置一榻旁無侍衛前無香火對之歆然起懷  
古之思因抒長句一千四百字題於臺上

憶昔初讀南華篇但愛閎辨如川源沉酣漸得見真理馳騫造化遊胚渾潛心四

紀不知勸閉日講解時尋溫其言無端極放肆大抵順物尤連狝

芳元反

六經高深

如韞櫝百氏蔽偏迷躡關伯陽語道最淵邃中士尚或疑亡存竺乾權實信廣大

妙用不出我藩垣偉茲三篇粹精奧推本一化開幽僭反覆孝慈去願譽胎育仁

義除詐諛情類相親自才德躋跂不立存朴惇寓言本為大方設弔

音的

詭難與常

人論祖尚玄虛滅禮學乖背宗旨由後昆遂矜放曠為任達由此道真流忘反

平聲

自非通識造閎遠安能超悟還淳元大鈞斡旋本何有相禪以種分無垠載其形

聲直暗醜感彼氣類相擅媛死生之辨在旦夜夢覺之異分形魂神奇臭腐互美

惡蝸甲蛇蛻奚代迤卯胎無以易生種風化自爾成蟲蛄出入於機泯無際始卒

若環焉可捫芒乎萬致始同體明以一指彌滋繁異則肝膽為楚越同則蕭竹猶

拊園直宰難以朕跡見靈臺莫由形器援何者非彼何者是孰為親愛孰為怨

平聲

六鑿相攘有利害兩溢類妄成闢諠至細不必陋蠶觸倪大惡用驚鵬鯤天機所

動體各適足行豈異唾者噴外物既重內固拙瓦注則巧金乃殫物之儻來莫禦

止心所希跂俄屯暨

音昏

有疾無用亢豚免其迹已陳芻狗燔全生難持社之標移

是不定臘者腥

音昆

逢真令尹鼻栩栩恍醜全人脰肩肩

胡恩反

因知禍福相倚伏故

於得失無墜螭

上音陳下音悖

惟能瞻闕以生白是乃孰擾而厭殮道非處服無不在人

以德性為之原有情有信非可致一滿一虛常不騫九年大妙得之野叅寥疑始  
 傳諸孫稀韋以之挈天地堪坯以之襲崑崙明此南鄉唐堯帝明此處下素王尊  
 眾人逐物但役役一曲自守常暖暖音修躬明汚躬則殆飾智矜子智彌昏單豹  
 治裏外逢害張毅修襟中成殞退不為賓頽陽樂盪而傷性竅水跋音存二子高節  
 去孤竹三閭獨清浮湘沅棄世終亦餒薇蕨行吟徒自悲蘭蓀彼為禮義媯末俗  
 猶以佩玉趨橐鞬將明是非崇世論何異孤白資緹絆禮義治則忠信薄是非著  
 則名實翻尚賢貴德下滋偽信賞明罰民尤冤宋榮猶然在譏世其於毀譽方汶  
 汶音暗列子待風乃輕舉豈若御辯常掀掀至人達觀齊物我直任上古惟愚音屯  
 內通耳目外心智旁挾日月超乾坤安時處順任天俛音諳抱德煬和遣世諠恍乎  
 忘言豕鳴合窅爾自靜鮑柏潘音藩養生之主悟文惠治氣其勇過孟賁形形不形  
 晚初始物物不物隣羲軒得計棄智任魚蟻勞形怵心嗟虎猿呼我牛馬誰毀譽  
 夢為魚鳥還潛翫其窮不屑涸轍鮒其高乃况南方鷓方其惠死樂枯槁亦既恬  
 生慕孤豚嘗開藏言乃笑杖既見偃室聊歌盆畏龍不羨宋人乘觀鵲自感雕陵  
 樊廣莫將植擁腫木江湖可浮瓠落樽不將不迎隨物化一龍一蛇更螫蜿以道  
 泛觀未切著得時而行或曲卷皇王上下惟變適周魯舟車殊運奔願指不為天

下化排進靡使人心憤

音奔

人於應問見影響物被生殺通淒煖音啗賞罰九變得其

序澤流萬世非吾恩相肇乃合儒與墨小辨豈數行與斃河伯不逢海若語豈知

至道無窮門雲將未得鴻蒙問烏覩生物復其根神而化之不蘊立未之盡者能

誨音悒

長波所盪滿今古異代相應猶麋墳喟予所稟實樗散作器自愧非瓊瑤

逢長偶得仕通藉微倖當與游西崑材力未足勝蝨股取捨徒思擇熊蹯行年六

十粗知化藏經十二無能緇平時有志在寥廓遇事無意從緇昏攫而後寧亘歲

月老之將至忘寒暄盱盱未免囿於物擾擾不異風中幡昨從京輦絳丹筆復得

淮壤乘朱轡偶逢樂歲少休息麻覽士俗因周爰提封乃是昔人里訪古時復登

平遠城中蝶巷接蓬頂郊外魚臺連漆園悠然清風隔千載獨有遺像當高墻山

川世異改城郭歲時人罕羞頽繁先生縣解出無有後世景仰空擊拳大布廖屨

生弗飾豈蘄朽壤衣如滿烏鳶螻蟻死不避安用邱墟祀有牆虛堂雖異生存處

操趣猶令貪薄敦我懷方外想音采坐視券內毆冥煩曳塗竊企濮水釣投糖更

思東海躡子葵雖未得其道意而固願遊其藩聖人之書議者扁妙斷之資良在

慢

漢書音義郭作慢音温

空遺糟魄寧咀味縱有履跡焉投跟何當一發雞貧覆因而更焚

駒項轅天光內照宇自泰人益不累中無悶云誰嗣響可晤語至理竟亦歸無言



蘇魏公文集卷五

宋太子太保右僕射同中書門下平章事司空魏國公蘇頌撰

逢年

裔孫萬靈重禁

耀庭

古詩

次韻司徒富公耆年會詩

古人稱宴安居處必擇地諸公來河南有若不期會巖巖大司徒早辭槐鼎貴嘉謨納淵衷故事留臺寺構第銅駝坊開門瀝水次居守德爵同位重官三事高軒每過從縱言談道藝復有鄉里賢夙昔承嘉惠崧嶺高橫空洛波清見底履道追昔遊行厨載芳醴燕毛禮所重安車皆戾止年尊二國公齒序衆君子愿公壽千秋慰民瞻具爾三載一來朝當陪天子祀

次韻王宣徽太尉耆年會詩

古來賢相稱高奇虞有皋夔商傅伊帝臣王佐見謨訓千載相望如同時我朝公輔代間出鍾秀辰象分躔離堂堂太尉實異稟風質粹美和而威仁皇始擢自藩

翰渭水兆告非熊罷立朝早已擅風采料敵曾不差毫釐聖聖相承倚時棟入登  
槐鼎出擁麾司徒相繼據魁軸勢壓諸夏推附枝一言寤意尊社稷萬里奔命來  
戎夷君臣一體自同德下鄙漢相矜規隨功成治定預告老還鄉治第當西圻十  
年休佚養冲氣泰宇充茂心欣嬉二公勲德誦人口載於彝鼎歌於詩吾皇得相  
柄文武調燮四序齊璇璣孟軻嘗稱聖之任乃曰百世人之師固宜天畀兩元老  
期頤常保松筠姿規撫載在廟堂上自使風俗淳澆漓前年召自大名尹對罷累  
請免衰歸帝曰公今更强固閔煩幾政留清規兩加金貂百官首再剖玉麟三水  
涯洛人聞之喜且抃如在旱歲逢雲霓朝臨留府暮私第偃息又將彌再期今春  
欲作者英會涓日象值神俱比謂宜飲食與宴樂對接賓客心忘機康寧壽富復  
好德嚮此巨福全者稀席間諸老盡賢傑相得歡甚敬冠綏飲盈百榼似尼父歌  
有三樂同榮期杯盤衍溢逮與隸割肉醜酒如林池衣冠填咽兩城市車馬照耀  
清連漪夜闌百炬列紅燭天寒四座添重幃鉅儒灑翰序嘉會義薄皎日垂清暉  
諸公半酣各賦詠含毫疊紙魚鱗差詩成累幅燦珠玉光豔疑若陵鈞奎歌聲矯  
旋嘯鸞鳳酒氣冷冽噴醪醴長篇立刻在金石楷字高揭當軒墀晉公延賓就綠  
野謝傳卜宅臨清溪當時貴客亦有數詎與今日爭光輝騰書遠報鄴都守開緘



摘句情融怡，答言遂起歸。興跡雖未往，心先飛。三賢事業固同道，用舍安得常。  
情知官尊邦國之柱石，望重士林之羽儀。退舍進用自殊致，大義當以公言推。不  
能者止，固達識陳力可行。當有為聖君知，臣賢達節事有輕重，須從宜寧拘經禮。  
致為政自有邦人歌，袞衣三台明潤少微，爛光彩並照。大紫微子房辟穀方壯歲，  
張蒼作相當龐眉。曹參置酒坐公府，晉賢高蹈來東籬。昔人出處固有意，造適自  
與時推移。光陰可惜，且行樂任從羈鴟。方春啼。

次韻君實內翰同遊范景仁東園

鑿禁限沈深，鼇頭雄壘。屬主人出休沐，秋色正明麗。偶為東園遊，便有中林意。縱  
言得造適，覽物增意氣。風清濯煩襟，日永忘歸轡。朝野本無間，簪組何用棄。未必  
幽棲人識，茲真樂地。

效范景仁侍郎次韻和君實端明長句奉呈龍舒楊守

公居幽絕誰能紀，欲到應須勞屐齒。從官出入路縈紆，况今又去瀟龍舒人在天。  
南居在北，鄉心千里雲山碧。山庭不用勒移文，時樂中和歸未得。他年若尋仙老  
會，洛下諸公盡中外。百二十坊山水間，甲第相望門巷對。過從不獨賞芳珍，造適  
何妨談道真。回頭却望朝市裏，多少思歸未去人。

六月六日訪晁美叔吏部越宿蒙惠長篇因次其韻

近伏值休澣端居無所為觸熱事造請有如龍襪詩偶到昭德里主人不吾非惟  
今吏部郎望清秩非卑而與兩銓選事聯相附離每聽人物論尤詳臺閣儀沿襲  
尋本原左右逢津涯登朝鬢猶綠繼世衣仍緇歡然久相接甚矣嗟吾衰誰言同  
趣舍何力能噓吹但慚蒹葭陋坐對瓊林枝時或把書卷不厭顏生饑間亦忘形  
骸任譏嗣宗癡喜君方得塗騫騰復何疑此豈哀烏省能留威鳳姿君才適時用  
早聞天子知荷囊與鳴玉獻納無不宜寧校歲月勞求為法令師

次韻蘇子瞻題李公麟畫馬圖

霜紉橫卷書縞垂軸以瑤瑁囊青絲披圖二妙駭人目筆畫勁利如刀錐龍媒迥  
出丹青手勢若飛動將奔馳鞅銜如在赤墀立僕御猶縱紅纓羈子虔六轡銜沃  
若長康駿足稱天奇雖傳畫譜入神品未有墨客評黃雌六詩形似到作者三馬  
意象能言之奇蹤莫辨霸或幹高韻壓倒陸與皮從來神物不常有未遇真賞何  
人知君不見開元廐馬四十萬作頌要須張帝師

元祐癸酉秋九月蒙恩補郡維揚十一月到治蒞事之始首閱題名前後帥  
守莫非一時豪傑固所欽慕矣然於其間九公頗有寅緣感舊思賢嗟嘆

不足因作長韻題於齋壁以寄所懷耳

維揚禹九州淮南唐四鎮地據江海衝星占楚吳分五季劇荒擾我朝夷僭閔督

府時稱雄守帥選常遊由來竹符使莫匪邦家聞其間九賢者尤推萬人俊太原

文章伯師友淵源濬五事陳便宜七制推典訓屢薦官雖崇三已色無愠王元之登翰

林三踐西掖屢被譴逐皆以直道嘗作三黜賦其末云令尹無愠予之所師岐公

下惠不恥予其庶幾先祖少舉進士時嘗獲贊見公有池亭詩石今在西園岐公

老藩朝惠愛淡吳晉薦士言有味偃兵功不陳鼎飪方燮和邱園終委順杜公自

刑移鎮於北尋遷淮南轉運使後登樞府議西師守用策未幾元昊請命登庸緣

半歲出藩遂遷政居南都十年而薨其薦士於朝達者最多而予被遇尤異焉

淵哉文肅公生邁休明運三朝翰墨工二府謀猷奮道卷任推遷名全茂繼磷公盛

始以文學被知太宗召真館閣真宗仁宗朝再入翰苑遍麻二府鄭公梁棟才天

兩點皆由人累再典茲即卒以壽老致政考終先公銘誌其墓鄭公梁棟才天

質珍琳韻大筆弟兄同萬事朝廷問徊翔極宰樞終始無疵吝宋公自參預出麾

後作愛思堂以懷其德在郡賦詩仁宗初倦勤魏公復來觀堂堂真相尊譽寒嘉

有刻石僧寺予在館閣最蒙稱獎仁宗初倦勤魏公復來觀堂堂真相尊譽寒嘉

言進十字篆勲勞大丞報忠蓋韓公在郡日大葺府城自此方鎮事體始備郡人

御篆十字以表勲烈又配享英樂安子舊館早歲窺牆仞儒林仰宗工政府發閱

宗廟廷公在朝于屢履款接樂安子舊館早歲窺牆仞儒林仰宗工政府發閱

論雖無鼎勲賴有書傳信予舉進士日歐陽公主文衡誤見肯拔後留守宋都

公所作最為吾友仲違父利器發劔刃論經鄙章句縱辨推陵詈音訊經緯夙志違

一時之勝吾友仲違父利器發劔刃論經鄙章句縱辨推陵詈音訊經緯夙志違

風流壯年盡

子與侍讀公少同硯席每愛其論經義談麻代高才博識謂當輔相承平中年而殞士友痛惜今雲山閣有留題詩時會堂唱和詩並刻

於文武惟秀公將相紆雙印入輔復出藩撫淮兼帥潤憶昔獲攀稽後來嘗慕蘭

陳公倅符離日子為部從事其後入朝屢同官

尚嘗相期卜隣丹陽後以潤帥兼相印鎮是郎司空一代宗累葉清風振繼父漢

韋平致君古堯舜時嘆人云亡上嗟天不慙

呂公與予少時相得於塲屋及仕朝廷接跡最久後公薨二聖嗟悼曰國

家不幸司馬相呂司空相繼云沒予亦嘗預聞聖詔有祠堂在興教院

昔人企前修景行仰高峻聲氣或相同古遠

視猶近馬遷稱晏嬰羊祜交陸遜異代思執鞭仇隣通饋餼粵予望諸賢先後來

茲郡既非鎮俗才仍抱終天釁

先公嘗領是州辭不赴

砂磔自澄汰鉛模殊銛鈍將書名在

石終慚駑附駿前人固難追遺德猶可徇鞭後志良勤思齊言亦訥顏慙章在懷

年侵霜滿鬢俛仰復奚為茲焉俟嘉道

累年告老思旨未俞詔領祠宮遂還鄉閑燕間無事追省平生因成感事述

懷詩五言一百韻示兒孫輩使知遭遇終始之意以代家訓故言多不文

我昔就學初髫童齒未亂嚴親念癡狂小藝誘愚鈍

大戴禮曰八歲就外傳教小藝履小節

始時授

章句次第教篇韻

我生五歲先公口授孝經古今詩賦皆成誦又令從諸父教學不數年而誦五經習爾雅知聲律

蒙泉企層瀾

覆簣期九仞十齡獨侍行千里赴朝覲靡依心向吳能事躬在浚應門待賓客睦

族周分親聲雖免逃杖譽猶虞裕盡吝

天聖中先公服楚國太夫人喪外除自雒陽赴調適值外祖龍圖陳公出守餘杭以

先妣魏國太夫人久別欲遊同行時予十歲獨侍先公入都會盛文肅公在翰林  
游先公文館法當投進所業使予管句裝寫進卷及接待賓客相過諸公皆一時  
之望予獲侍側頗蒙獎顧時盛仲謀學士坐中試予以省題詩予即時賦成尤見賞激

十三從師友羣彥得親近

音附近箕

裘夔素風蘭芷漸腴潤先公宰無錫日即縣廳西國開學舍延諸生郡進士華直

南同朝席預課試後二年先公通判洪州又與鄉先生萬君持講書子與諸父及

臨川蔡元道元翰昆弟皆同聽學時南城李觀泰伯贊文謁先公亦留館齋中得

益多矣估畢自忘勞攻堅常切問六經日沈酣百氏恣蹂躪禮樂原夏商春秋

道堯舜論詩識溫柔講易知謙巽書要通上古史亦蘄盡信復熟中庸篇推名善

惡混楹書迄今存手澤亦未泯賴此漸摩益稍知賢聖蘊先公舉賢良暇日試筆

熟讀誦之可以見性命之十八隨鄉書三冬閱文陣同時韋帶倫共試棘闈濬少

年事矜豪屬辭少繩準程文竟乖疎貢籍果遺擯予十八預府薦時主司吳正肅

遠到自此士大夫稍稍稱道明年春者試以犯聲病格不收時主文盛文肅內負

公謂先公曰試文當在高等以點檢官指摘詩中押聲闕字退落誠可惜也

未蹉跎不能忘記債既知以聲病點落遂刻意賞延輒辭官雅志將自奮康定元

節推恩近著先公任中書舍人欲奏薦予乞且應舉先公初不擇既而大稱許復

勉以勤篤又延建安黃晞先生數公置門下及與長樂王深甫子直清江劉原父

貢父兄弟同硯席凡五六年後子筆枯手成胝眠稀目生暈常患涉獵疎肯效揣

摩困再上忝乙科初筮習磨楯綢繆結官課奄忽罹憂疹靈光未及賦陟岵遽街

豐後漢王文考父逸欲為靈光殿賦使文考往魯中訪求事迹此還乃獻此賦父

問其故對曰為文損思慮大人思苦今年高不宜復爾父遂不作先公常戒吾

朱鬼、文集

令君六科業未就而遭大星行赴悼堂雨泣護歸觀先疇閣嶺遙寓舍京口近

之葬營帶郭田地得蕪山艮予登科初補宿州觀察推官值先祖太尉薨背先公

在河陽下世子星行護喪南歸治命以泉山鄉里道遠不可歸令於異常間卜葬

謀居既過京口會故人錢昆居子高作守治館相留時有道人自真善山水學從

予行常潤數州擇得今青陽地起乳山艮東南走京峴吳岡西北枝良送往極

落即今先公墳術者皆言善地遠安葬自此謀居郡中占丹陽為鄉里

充窮拊存急賙賑三釜須自謀一官姑孟晉見班固恤孤逢舊知温故拾餘燼薦

衡荷德璋嗣向憐子駿給札恩特殊除職選尤遊遂去州縣勞入陪臺閣俊子既

公喪祖母徐國太夫人先妣總國太夫人在堂及諸姑弟妹未婚嫁家素無資不

暇擇祿急趨銓調授南京留守推官食貧累歲先友少師趙康靖公少傅孫文簡

公洎諸翰林連章薦文繼先世蒙取索先公遺橐及予投費乞召試職名先是言

事者奏近歲文館太冗乞加慎選時預試者如梅堯臣宋敏修宋允國楊忱並弟

愷文詞皆八等止遺秩或賜科名及陞差遣遠子被薦執政進呈云近臣薦父子

文學優長仁宗問誰人子執政以先公名對上曰特與試乃試兩題俱書高等時

翰林曾胡楊田四公皆云近預試者惟馮京蘇頌皆入高等因此遂得職此並梁丞相所喻云校文摘三折食貧歲四閏君相嘉

宿官圭符假名郡地望號優閒公粗稍充物二偏豐旨甘百口免飢饉予在館閣

舍陳述古孫聖途俱請外補久之無報遂同見執政丞相富鄭公問九年不遷未

有前比莫且別移一京局予再三言食貧且久難更祠候翌日持為奏陳獨予得

汝陰善郡陳孫歲淺方喜私願諧遽叨召音迅素非幹時才屢試投虛刃治績愧

得常邦皆常調也無聞官資謬超進持橐入記言演綸漫燥吻事無補毫分心常懷憤懣一言偶寤

意三已固無愠予守願將二年忽被召遷府界提點踰年徙三司度支判官又二

年出為淮南轉運使神宗初登極因送遣使還陸對持橐訪問北



遼事頗合旨仍宣諭二府故到淮南才五月呂還修起居注遷西掖掌詔二年因  
論差除御史事蒙中札召對詢問本朝故事上初甚以為然及有褒語無何執政  
以為違忤見黜歸班趨常朝者一年半遇恩出領東陽移鎮梁凡五換推及入  
臺又出南都知餘杭入為史官尹京府以孫純陳世儒事貶濠梁凡五換推及入  
對獄卒無一事結史議乃罷濠州再違金門籍七換竹使印賜環元豐初解組橫  
孟緝以先公薨逝之地改知滄州

海鎮遠信使約修周官預詳擦漢書刑法志上號太宮長奉冊陪發軔復土裕陵

日杖桐方守鑛阻趨七月期莫從百夫殉予到滄才數月上諭執政云要蘇某來

之命及進對上曰朝廷與契丹通好歲久故事儀式舊章簡遺散者多每使人  
來生事無以折證朕欲復集國朝以來至昨代州議定地界文案等以類編次為

一朝典章使後來得以稽據朕思非卿不能成之又宣諭云近日修書臣僚多遺  
延歲月只如密院機要已七八年近方奏請差人檢閱已令罷之卿該通物敏此

書何日可成對以案籍浩大凡數十架急編次亦須二年不知果可成就否上  
曰二年了得甚善有自就樞密院第四廳置局仍許辟官檢討密院人吏於

是曉夕比次逐時面奏商議立例類不踰期成書二百五十卷奏蒙日上大喜仍  
御筆賜名華戎魯衛信錄是年南郊加上仁宗英宗御號予預五使奉冊乘輅入

朝明年先帝升遐予適丁先太夫人憂哀麻雖未除淚血猶未拭誤被兩宮知首  
寓維揚不得預挽紼之列於今痛恨

頒一札訊入長天臺班復冠鰲坡峻太夫人服除蒙詔書已除刑部尚書令乘拔  
擢登台司咨俞陪坐論屬時久承平狡莠未誅震陳洪傳任重才難勝位高躬易

隕丹衷徒蹇蹇明誠乏斤斤靡憚嘖言煩姑守王臣蓋聖神春始終進退禮周盡

禁殿陟青規琳宮叩虛北再辭淮海藩未許邱園遊子自承旨拜左丞二年忝中

事云子獨主之子聞言即時出省歸私第待罪同列見喻云且須翌日見上畧敘  
陳然後求罷貴全進退之禮予答以宰相一有人言乃是物議不允豈有解紛之



禮連上三制一劄復罪拜大學士領其禧觀使恩禮優異近歲未有中謝日兩宮  
寢語知卿無他意只是避人言其年出守維揚再告老復有宮使之命許還丹陽

風霜經六紀蓬葆垂兩鬢躬閑猶冠帶祿學足儲錚貢餘香龍團上尊白羊醞歲

時荷恩霑聚藿對饋責予久參近著俸賜甚厚然族大家虛贍給常苦不足故春

園乘閒灌冬戶隨時墮入對書甲乙出驅車薄奉杖拜先塋攜觴問田峻蕃室

勸掃除綦几脚憑隱於新養浩希子與學生同祝腎念昔多艱勤誨爾宜排憤見

賢弓在藥遇事驟從新親左競情思昔非視舌知柔韌高門訓序畏早聞先訓以

可畏而不可恃予刻心遵守常以為戒後因讀柳氏訓序乃有此語欲使爾輩知之以代韋弦刊腹摩兜慎其腹曰摩兜韋慎勿

言唐劉洎少嘗過異人謂之曰君當佐太平得富貴然宜慎兜韋之為戒洎後為侍中以議論不常獲譴名教樂有餘異端戒多紊其

要本誠明烏在問圓頓美璞不雕琢安得懷瑜瑾良器不深藏渠能免瑕璽學問

不沾洽何由垂望聞去聲見操守不堅純久必成緇磷進修欲及時行違要無悶

士行惜分陰伯陽嘆往運當年倘因循晚歲必悔恨更思祖先勲相傳清白訓世

胄閩與吳宗姻期及綬衣冠布中外椽土無尺寸逮吾老鄉閩始得營畦畛蝸廬

庇風雨稷田助饗餼幸與仁智隣仍遠市城恩沈侯東陽居陸叟頤山逖陸市聲

美自稱陶出處雖殊途豐約已過分予初置京師西岡宅甚隘陋罷相日二府諸

山遊叟仕朝廷下逮子孫輩已有官而四方無尺椽寸土今有此第已為過分比還潤又

營此居處及近初少沙田追思先世已為華奩若非遭遇上恩何由致此但恨未

有報國之地耳  
考室侯構堂肥家在忍順見柳氏訓序常使唐棟榮無致荆枝忿中溝須自防  
外誘不可徇懼爾志悠悠故吾言諄諄去聲力行倘不渝家聲期遠振

同安裔孫萬靈錫經

逢年舜畊

晉爵耀庭

允恭子敬全校字



蘇魏公文集卷六

宋太子太保右僕射同中書門下平章事司空魏國公蘇頌撰

逢年舜畊

裔孫萬靈錫經重禁

律詩

晉爵耀庭

金陵府舍重建金山亭二首

地出城隅闢故臺  
斬茅削竹受良材  
春塘夢草成詩後  
畫棟飛雲式燕開  
一境山形天際望  
四時風物坐中來  
府公經構民偕樂  
魚鳥猶知喜躍迴  
故時臺榭對池心  
空有名傳擬穴金  
鬻理茅茨修竹茂  
輕營軒檻綠楊深  
橋橫斷岸虹流彩  
花滿芳園鳥轉音  
盛府多歡頻命席  
每谷疎外共窺臨

潤州錢祠部新建寶墨亭

王蕭書迹衛公詩流落江南世  
少知古寺購尋遺刻在新亭  
龕置斷珉奇模傳遂比黃庭  
字埋沒非同石鼓碑  
墨數書評多逸事何妨揮翰與題辭

和俞仲素太博遊茅山二首

宿明真觀

平林行盡到巖扃一昔恬然道味生爽籟遠隨林谷響飛雲時拂棟梁輕閣傾仙  
筍流瓊液高論神方鍊日精更想真遊成不寐坐聽松韻到黎明

馬上初望茅峯

三士隱淪地上林白曲前竭來思訪道屬望賦遊仙松引飛輪路雲收積玉巔華  
陽不知遠趣駕似行天

次韻和邱秘校登長干寺塔

九劫半依山經營昔甚艱周遭巖佛宇直上俯天闕登陟緣梯險淹留布坐溼椽  
楹亦塗附樞檻遍朱殿白日分明到青雲咫尺攀龍潭斜影落鳥翼怯飛還基構  
從吳晉聲名動朔蟿燈然時照耀梵唱每循環往事稠重問前朝指顧間誰知息  
心處香火老僧閒

次韻約諸君遊長干寺

寺按郡東南僧嘗為我談初因晉大士來獲古靈龕

晉時有沙門惠遠至金陵長干獲古佛塔因於其地建佛

刹後代廢嚴至天禧中僧惟政乞重建塔寺俱蒙賜額

歷世名空在重興德乃堪先朝賜新額此地建精藍

億載扶皇統生民息戰函利仍存故里龍復止深潭九級惟塗甃十梁盡架楠亭  
臺各軒豁巖谷更空豁殿角芝成玉

殿柱嘗有芝草

松梢露隊甘

松林每有甘露

穴棲多禮懃池

怪集神龜可愛臨岡曲何人結草庵欲來尋隱逸誰與共歡酣念往須勤到來詩有念

往曾高枕之句

登高已舊諳予累登絕頂

低頭小城市舉目遍春嵐靜境由茲達塵容卻自慚

常思真趣嚮可抑俗餐貪宇宙開懷適江山極望涵相邀幸多暇命駕即追參

### 同賦山寺郁李花

小樹扶疎若剪裁新英濃淡對山齋青紅相間垂羅帶華葉同開綴寶釵未必無  
言芳徑列須看成實翠珠排禪扃掩映情多感藥譜標題品最佳衆卉芬敷爭欲  
並三春顏色此難偕誰憐寂寞遊觀少便與移根向玉階

### 邱林諸君以春雪三絕見寄走賦長句奉酬

彼美春工用意多剪裁瓊蓋綴庭柯妍辭重識梁園賦寡和還推郢國歌莫歎餘  
花皆慘悴共看修柏自婆娑尊前謾愛風光好不見山陰泛棹過來篇有惜花之句

### 次韻江南感事

京洛倦遊後江南感慨多壯懷傷歲月醉眼小山河無路通談說窮年漫揣摩知  
音如有遇終采擊轅歌

### 春日會飲懷邱思同林成之作四首

濁酒澆腸遣旅懷春宵常苦漏聲催坐中不見邱夫子明月無光厭舉杯

次林韻

二月中和氣序均酒酣偏覺長精神之人權會何稀濶惆悵尊前更惜春

又和前韻

論詩心膽見天真酒逐羈懷若有神一夕所思惟我友四時最樂是熙春

又次林韻

右持卮酒左持螯慷慨酣歌憶藉糟因想良交成不寐清談終夕未為高

景德寺飲會邱思同作述懷詩兼紀一席之事見約同賦輒次元韻

瀕江多勝宇茲地更推高結友為文會開樽較飲豪春華今始盛聖代况親遭美  
景堪行樂雄談任叫號數家供法饌百笋和春醪異味頻登俎良庖旋奏刀盤豐  
介象鱸手把畢生螯極量餽并盃忘形豐與槽憐君皆曠達獨我嘆徒勞俗狀區  
區外剛腸漸漸熬壯心雖不屈讓口亦奚逃感寓嘗懷古愁來幾悼騷宦途蝸鬪  
角世事蝟森毛自得猶千慮誰能挫一毫無煩惡蠅點須擬效龍韜暫適惟詩酒  
難兼是燕敖縱歡忘倦厭論契甚堅牢勁節凌修幹清風遏怒濤就賢知不倦營  
道豈云叨此席今誰繼知音盡俊髦

和惟晤師遊鶴林寺寄穎長老



黃鵠山前古梵宮參差樓殿倚巖中羣峰重疊圍松徑三伏嬉遊愛竹風牛首禪  
宗懷馬素寺實馬素舊居襄陽者舊憶龐翁頤谷隱人長思勝會真幽適誰使拘嬰不與同

和刁卽推郊居寄說晤二詩僧

勸賦從軍詠式微山齋重此理松扉春來圍圃朱櫻遍霜後盤飧綠芋肥瓶錫時  
邀高士駕臺緇多學野人衣白蓮詩社方求友喜得支公與共歸

又和月夜理笛答晤見寄

聞說羌戎出塞行征人纔聽淚交橫三秋霜氣先時至萬里鄉心半夜驚子野踞  
牀思逐弄李長卧鄔亦牽情闕終更想關山月不惜新辭記舊聲

送惟晤遊廬山

飛錫指湓城秋風一衲輕溪雲隨晚渡嶺月伴晨征敏思登臨發空談舉動明他  
時二林會名宇繼融生

送沈太博倅滑臺

早歲淮陽宰邑初相君連上薦能書新從墨綬諸侯國便領油泥別駕輿東郡提  
封今輔屏南都接軫舊鄉閭優游樂職人應羨官使家榮兩莫如

次韻王伯益同年留別二首

蘇魏公文集 卷六  
桂籍昔叨聯署等蓮惟今幸接芳塵棟虓契合均天屬金石交深過古人直向歲  
寒期茂悅肯同時俗論甘辛優游且作江南令惠愛於民此最親

再次前韻

從宦飄飄九見春共嗟名跡尚埃塵相逢梁苑留趨幕不鄙池陽去長人早向文  
科分甲乙嘗於命歷杖庚辛窮通定分非嬰慮惟有交情久益親

伯益生於辛亥  
予值次庚申嘗

共考術者所  
言休咎多驗

下巡檢重建蘋節堂

棟宇更新構亭名即舊規和容君子志歌闋大夫儀官政搜兵暇賓賢命席時弦  
開秋月滿矢落曉星馳疊中朋善勝交醅飲樹移連鞏呈畫的急管送金卮更得  
蕭齋榜重看沈壁詩恩勤主人意雅志最相宜

和刁推官蓼花二首

煙雨寒塘外蕭條廣隰中花逢秋至盛人愛水邊紅碎纈排霜葉纖蕤拂露叢尊  
疊不見賞留得伴溪翁

蓮疎菊未破野豔獨敷榮濯水紅纓細鋪園步障平露寒偏發色風勁不摧莖採  
掇聊供餌丹房助氣清

次韻簽判張大博移竹

梁苑有脩竹移來正得時  
新開一齋館分植兩軒墀  
瓌碎青金影纖圓碧玉枝  
物應人共美性與地兼宜  
漸喜聲成韻毋傷色暫衰  
寧因惡土變自與好風期  
窗闥常相對關于不用施  
看憐朝露爽坐覺晝陰遲  
擬富非佞等親隣見鳳姿  
燕杯留几席畫筆置潘籬  
護長防將折刪枯欲更滋  
破憂該將解化恐誤仙騎  
節聳蛟螭骨色鏘虎豹皮  
竿長終勁挺根困任離披  
首顧柯亭賞休思渭水持  
吟餘毫亦健灌罷器頻欵  
戴譜須書此淇園未羨之  
七賢常伴侶六逸重猶夷  
緬繼斯人躅吹如仲氏篪  
蕭然發清思賴爾作良知

再和倒韻

新植蒼筤竹欣欣若感知  
日陰紛展蓋風韻巧吹篪  
幸對人瀟灑兼依地坦夷  
二年官此者一日可忘之  
抱節疎仍密交柯挺復欹  
藪生相友善特立甚矜持  
長處苔微破看來露亦披  
鳳姿聊側翅蛇變但存皮  
莫作恂兵伐留為介杖騎  
雪霜鏡欲冒雨露已先滋  
初見猶齊架俄驚漸出籬  
中虛緣物性外勁是天姿  
比畝雖云少成林亦未遲  
廟邱當見米枯羽豈勞施  
鷓尾冠須製鷓雛食可期  
拂雲思柏悅盈碗笑蘭衰  
任土前書貴名園此地宜  
縱難聽嶰管肯學唱巴枝  
既許親齋几寧

辭局登壇更煩勤愛護有用在他時

次韻簽判梁寺丞阻水見寄

京府偕趨幕彌年接坐隅鶯胎攀驥足魚目混矐珠風誼敦貧薄吹噓變朽枯交  
親齊魯衛政事擬阿蒲契合寧容間情通不鄙無逸歡困萍蟻較味膳尊鱸氣盛  
吞雲夢交雄獵具區報投均縞紵應和念篋子巢閣行觀鳳為麥佇薦狄世家傳  
鵲瑞職業在鴻都聳鶴方騰幹乘風好縱鱸一飛嘗得志平步即夷途見比親瓊  
樹清如隱玉壺終當拾青紫詎止學盤盂少別如旬日相望似五湖荒郊逢轍涸  
激水待雲膚窟穴增蛇鼠腥臊惡蚘蛄尊思孔北海金歎范萊蕪始見生冀魄俄  
驚遠樹烏初猶甘杞菊久漸厭梁承晝詠依依柳宵看歷歷榆晨興常過午朝膳  
每通晡閒逸輸吾子馳驅屬鄙夫無因隨李郭長日想田蘇沙漲舟猶膠去聲河流  
軌不濡行郵纔咫尺命駕只須臾坐俟聆金玉來應笑砭砭多慚昏鈍素難慕甚  
精翻安得生雙翼徒然處極株重吟贈我句足以豁蒙愚

謝太傅杜相公惠吳甘

任土吳邦果分甘故相庭纍纍朱實爛馥馥密筒馨玉液三重釀神丹九鍊形盤  
中堆火齊案上鬪銅釘玩比韓嫣彈殫勝楚子萍瓊津融不竭塵慮滌還醒近鄙

承稱灼休誇李似瓶南樓今非貴東望亦虛靈盛乃長洲苑傳之大禹經秋包千  
樹富霜葉一林青薦味同飴露淪輝信景星租園輸歲賦守吏占官丁貢罷中都  
府供先綠野局緘封重籬襲道里百郵亭想憶金華宴須傾縹氈同梨資可口  
與棗助延齡豈意殊方物頻霑俗吏廳食珍時有愧拜賜敢違寧顧之齊瑤報宜  
追戴帶銘永言難紀美應念思飄零

太傅相公以梅聖俞寄和建茶詩垂示俾次前韻

近來不貴蜀吳茶為有東溪早露芽二月製成輸御府經時猶未到人家太官供  
罷頌三吏東閣開時咏九華從此閩鄉益珍高佳章奇品兩相誇

送句判官赴大理詳斷

廷尉咨賢佐讞刑辟書連上得翹英時推黃霸持平久衆伏倪寬定奏成尺竹汎  
疑資審劾惠文彈治要詳精從來法吏多陰德勉務哀矜助聖明

府尹歐陽公以臨書智信篇為貺謹以長句酬謝

八法能工世罕精帥鈐多暇錄遺經言稱智信文毋害體具真行筆不停勢似公  
權題殿壁心希逸少寫黃庭下僚何幸蒙垂贈循覽留為座右銘

次韻簽判太傅謝府公新詩墨迹

幕府雍容但省文筆精詩格兩難倫臨池得法毫端健擊鉢成篇藻思新別墅雅歌追樂事蘭亭麝唱掩芳塵梁王賓友鄒枚在末至慙非賦雪人

次韻和宣甫叔父遷謫過都見寄

解組從戎五筦城壯謀期欲盪蠻腥數奇不意同飛將肺附何因學衛青報國有心猶慷慨謫官無悶但沈冥竹林此日重相過高論時欣側耳聽

宣甫以枱櫚茶刷見惠繼之以詩依韻奉和

裝橐分餘具茶筒使拂塵製時工匪易得處賞尤頻常與輪槽並宜為焙匣珍齋中延客語供辦未應貧

宣甫宿約見過既而不至翌日有詩為示謹次元韻

夙昔承嘉約朝來不見過出門非有碍掩室及多魔咫尺且猶爾分攜將奈何徘徊延望久雲際待金波

宣甫隨行有端石茶匣甚佳道中為僕夫所損某見之謂微瑕無傷尋蒙送

示有二絕句依韻拜答

物重齋輕豈易持何時登頓損瑰奇曾為十襲緹巾寶一見寒姿不忍遺  
鑄龍圭角制尤精豈為微瑕用便輕且賞巖珍終耿介休思人事有虧成  
終

蘇魏公文集卷七

宋太子太保右僕射同中書門下平章事司空魏國公蘇頌撰

逢年

裔孫萬靈重稜

律詩

耀庭

送沈學士守毘陵

使君四十五專城新向鴻都得請行高閣和鉛人暫去秋郊驅弩吏趨迎蘭陵郡  
邑今尤盛陽羨溪山古有名賦政優游多樂事東園應不負飛觥

送李留後赴鎮天平

出擁朱轡就鎮雄須向封國濟寧東干旄光動奎躔外閫節權并魯分中兩綬鵬  
鷹紋異繡半符魚虎佩兼銅朝廷慎重惟良選定有能聲愜帝衷

送朱屯田赴辟成都

贊條初罷浙江回辟命還從蜀道來朱紱脚光新幕府烏程重照舊行臺秋登危  
棧烟霄外曉望通闔錦繡堆樂職定應能賦頌知君堪繼子淵才

府公端明嘗鎮  
餘杭復之時已

在上幕今再登  
舊府定為盛事



送黃從政宰晉江

泉山南望海之濱家樂文儒里富仁弦誦多於鄒魯俗綺羅不減蜀吳春懷章近  
輟樞廷傑製錦重紆學館人豈獨光榮生邑里須知美化浹甌閩

送李屯田子震赴宛邱簽判

交游情分十年餘從宦差池後會疎遠塞新歸鏡意氣長年相遇倍勤渠登朝早  
卧郎官帳入幕選陪丞相車咫尺淮陽曹事簡郵筒莫遣少音書

道元上人累示禪偈詩筆並諸賢麈唱見索鄙作因成短句奉酬

釋子南宗秀囊文數見過燈分壁觀後詩學寶書多摘句心游刃談空辯注河儒  
林盛推挹風勢張雲柯

次韻宋次道學士重過禮院

齋居永日坐重簾共歎清才久滯淹詩格轉精緣大手風情不薄早班髯曲臺論  
議於今美東觀繡讎載世兼孤學尸官猶有賴繫君餘潤遠相霑

判秘閣何龍圖赴職燕集諸公同賦詩以紀出入之盛

一去鴻都歲始旬職更河奧與言綸出為戎閫蕃宣守歸作儒林典頌人寓直重  
遊唐麗正繙書還上漢麒麟參陪樽俎俱時彥獨愧非才踵後陳

送朱職方赴天彭

曉鼓頻趨宣政朝，左符還領郡封遙。  
三春車馬踰卅里，帷裳布漢條。  
早接朋僚情款款，舊傳詞筆氣飄飄。  
西南留滯應非久，可奈離襟重黯銷。

和丁御史出郊雩祀夕雨初霽

雩帝臨初孟，涓辰用吉辛。  
肆儀慙陋學，司直接名臣。  
出從龍街馭，時觀避路人。  
雨餘鮮野服，雲霧辨魚鱗。  
厥陛牲匏潔，公卿冕佩臻。  
共期嚴薦享，上副聖心純。

和楊直講寒食感懷

永日輕風起，暝陰傷春情緒苦。  
難禁流連節物遊人意，悵惜時光志士心。  
桃李新芳添遠思，龍蛇遺事感悲吟。  
知君退直饒歡趣，每向尊前賞奏音。

又和春日對酒二篇

勸遊城闕祇疎慵，偏愛君家好事風。  
後院按歌聲不歇，雕章得句曲方終。  
歡來趨向諸緣息，醉裏情懷萬慮空。  
誰道廣文官獨冷，未曾虛度一春中。

又

朱門羅綺競珊珊，未必儒官便少歡。  
隨分管絃娛性尚，等閒觴詠過暄寒。  
幽人棲遁心非適，夸者經營席靡安。  
一絳利名均是徇，能遺斯事更為難。

送韓玉汝太博出守洋州

州封繁會逼梁藩繼世為藩盛事多遺德在人  
崇蔽芾舊遊經眼樹婆娑春生劍  
外壺漿溢花滿襃中駟馬過父老逢迎應善祝  
緇衣將入鄭風歌

送集賢趙少卿出守肥州

行色光輝水國春龍函畫弩堯堯分銀瀛洲舊  
侶還揮袂淮南諸侯半望塵  
燕按一路甲兵  
三品新綢垂若若兩朱華轂去鞞鞞誰言貴  
仕猶榮滯二紀儒林最舊人

送若訥上人歸衡州

應供何來此囊書謁紫宸清閒頻賜對止觀  
久談真懇謝蘭袍寵恩頒寶宇新重  
還鄉寺日學侶益歸親

和林喬年學士

高閣清寒夜未暝獨持鉛筆枝中經燈殘短  
架人初靜月上虛廊戶不扃倚蓋星  
河簷際直玉晨鐘磬枕邊聽歸來欲記通宵  
景恍若曾遊上帝庭

館西迎駕起居

一梢鳴蹕啟重闕廣殿傳呼趣就班瑞日初  
臨黃蓋外紫雲先繞翠裘間和鸞音  
裡趨翔過錦繡圍中拜舞還共說書林清  
近地形墀咫尺對天顏

送邵裔員外尉長洲

洞庭山側第新成，門對湖陰水鑑明。  
紫綬使君還政日，綵衣仙尉拜官榮。  
邱園自適親心樂，桴鼓稀鳴吏局清。  
退食不妨晨夕養，人生從宦此難并。

和李子儀學士上元

傾都繁盛數宵中，知是鈞天第幾重。  
峒闕開筵紆警蹕，絳山張樂戲魚龍。  
月華高下隨燈麗，春色融和入酒濃。  
擬逐勝遊行樂去，長年於事亦無悰。

送襄州李觀察

半符雙節鎮關東，漢沔從來地望雄。  
帕首諸侯趨道左，題襟羣彥寄邦中。  
江魴繪玉殮盤貴，霜橘堆金燕豆豐。  
心厭紛華欣吏職，當時朝議寵民功。

送僧務靜歸吳

琴詩清絕事靜也，兩兼能技有知音。  
許名因國士稱，館閣諸君皆有詩贈故山何日別歸舫。

待春乘却遂林泉，適短歌結舊朋。

送都官辛七丈赴治江夏

官柳春來已可攀，使君雄蓋駐江干。  
遠頒明詔恩優渥，坐使環封俗阜安。  
西塞山川餘舊迹，南樓風月有清歡。  
幕中才雅今應盛，暇日追遊興未闌。

送薛宗儒通理并州

河東望族衣冠盛漢署潛郎閥閱優久擅才名宜治劇又分朝寄去監州民風近古藩房肅邊候無塵戍役休元帥正求賢者佐得君應喜助咨謀

寄題宗室世澤太博修性齋

人情安逸或驕惰君子操修有本原結宇近同閒燕處題顏深警聖賢言游心最樂羣書富寓目無窮百卉繁治世右文風教洽彬彬儒雅徧宗藩

送唐安虞部趙侯

朱紱郎官領要藩西南勝處蜀江源若非闕閱才資美豈稱朝廷選任恩路近煙霄經棧險山如錦繡見花繁郡民舊染文翁化禮教風流尚可論

送石舍人得告還蜀二首

寤寐家山謁告還錦衣駟馬路人觀逢迎喜識詞臣貴行役誰言蜀道難江上田桑應不改里中牛酒欲交歡岷峩信美毋多戀盛典方資大手刊

公近被詔總領編修禮書

又

予告西還上寵優輝華行李照亭郵內朝簪橐虛嚴直故國山川想舊遊一去秋光連棧道及歸春色動皇州眼看景物皆清絕定有佳章到處留

送達夫同年殿丞宰吳江

嘗誇吳越土風嘉，新領銅章一水涯。  
豈為江山遊賞勝，只貪晨夕肯甘香。  
魚登盤俎霜縈縷，蘋滿汀汀雪吐花。  
舊令多才君繼美，松陵賡唱未應賒。

送李屯王倅丹陽

西津秋晚度歸艎，新領監州建禮郎。  
早有能名動江左，重聞謠詠入朱方。  
部中白曲三茅阜，境上吳門二陸鄉。  
官近仙都家在望，錦衣此日倍輝光。

楊君寵示嘉篇次韻奉和

江湖一別歲經旬，攜手重遊上苑春。  
華髮滿頭猶未仕，少年得意果何人。  
利名機淺貧奚恤，道義交深老益親。  
清世懷文終有用，窮途寧久困無津。

送冀州向團練

河外諸藩控北隅，美君家世領魚書。  
舊傳將畧名尤重，却過親庭慶有餘。  
使節頻繁民未息，邊庭清晏候仍虛。  
惟宣聖主威懷德，長使天聲警遠墟。

送儀州李太保文

持節出西閩，腰章入舊秦。  
家傳虎韜術，朝有象賢人。  
閣閉關山月，帷褰渭水春。  
烟塵今向息，正是雅歌辰。

同呂縉叔諸君寄懷布用師

方袍為佛者學術以儒兼跡慕山林逸心從典籍潛白雲中寄趣浮世外安恬退  
想觀書室焚香正下簾

送祖擇之少卿學士出疆

四方專對昔難人今輟文章侍從臣萬里光華宣使指百年恩信浹殊隣出關飛  
蓋塵生路度漠輕車雪擁輪少別書林還隔歲歸來期宴曲江春

送王廣淵司門出守絳州

仕宦人言為郡樂名藩古有絳臺雄居園幽絕刻樊記分國盛強歌晉風歷覽勝  
遊千騎上坐頒仁政兩河中當年誰似高門慶五守同時問望隆

送句都官倅建陽

玉嶺名都古越疆監州今用上臺郎溪山絕勝神仙宅絃誦相聞禮義鄉龍焙槍  
旗爭早晚刺桐花葉候災穰朝廷恤遠頻頒詔更倚賢能慰一方

送句堪太博通守汝陰

天漢南通潁水清新恩監郡赴官榮數舟旗鼓家人喜兩岸壺漿父老迎暫試吏  
能收治績蚤聞時譽伏朝纓十年京國同遊者何日如君補外行



和陳和叔秋寒

夕雨初開霽晨霜已結寒增表肌怯重對酒面生丹急節驚收潦歸心念採蘭  
昕趨更清栗委佩綴公桓

又和蔡子直

官局誠俱冷交盟信不寒風霜兩鬢白冰蘖一心丹未剖方州竹猶薰畫省蘭北  
宮陪論定應似漢丁桓

章帝詔丁鴻與桓郁等於白虎觀論定五經同異

又自和

一入石渠署八逢霜樹寒任譏書尚白不廢研磨丹騎省愁看鬢騷人興佩蘭壯  
年幾已過遊樂謝曹桓

即席分得秋字送張吉老學士移使京西

賜對中楹喜暫留駐旌聊復到蓬邱朋遊少別三周歲尊酒相逢半白頭頻拜恩  
光龍鑄節屢宣風力隼橫秋二邦已見澄清効更盡寬平緩主憂

和陳彥升學士九日校書懷舊之作

京國重陽冊府家正披墳史獵菁華思飄昔日龍山帽阻看殘秋上苑花  
近罷東園賜宴  
悵惜歲華霜染鬢滯留歸思角生車自憐高閣窮年業青簡刊讎未有涯

送張中正先生歸廬陵

白首師儒學愈專，未應褐博慕纓鮮。  
離羣舊友青雲上，負笈諸生絳帳前。  
京洛風塵銷客袂，江湖春色趁歸船。  
飄然無復羈名累，道信鄉閭足謂賢。

二月晦日過范景仁舍人留飲聯句分夜而歸

聞道星軺稅鞅鞵，朋遊相繼款齊扉。  
正當春霽園英富，況值時清諫疏稀。  
共喜開顏論雅舊，須留持酒玩芳菲。  
屬酬新句尤歡縱，不限嚴更未許歸。

和宣甫叔讀白傅丁相詩集

二公清尚固難偕，遠謫襟懷亦洞開。  
得志已觀邪與正，寓言寧校福兼災。  
恬然委順誠高識，展矣文華信雅才。  
珍重嘉篇堪繼美，詠歌中遣待時來。

次韻和丹陽裴如晦學士寄示與蔡子直陳述古唱酬五篇

登瀛忝繼唐詞客，補郡仍陪漢望郎。  
政事將何攀邵杜，聲名空貴躡王楊。

三賢領劇緣才選，拙者求閑屬倦飛。  
幸得汝陰當僻左，無能尸祿衆應譏。  
二篇自記得繼

三君之出處

統鼓吳門徹曙開，郡人還喜鄧侯來。  
政成歲稔庭無訟，誰伴南園舉宴杯。  
上子直

當年二邑絃歌洽，所在諸生躋蹻隨。  
此日毘陵流美化，風流應似贊皇時。  
李贊皇栖筠治

毘陵首建序庠自此歲貢孝秀為得人今述古臨郡亦留意學校故以此意上述古

惠愛昔曾留二泚能聲行復表三河更傳騷雅聯編富可是江山助思多

上如晦

次韻刁景純學士將至郡見寄

偃伏聲名三十年當時倫輩有誰前曾隨直籍逢標鑒更向詞林接後躔上館久違牽夢寐歸舟將至想神仙襟懷曠達應如舊遲對清尊一問焉

和梁簽判潁州西湖十三題

涵春圃

桃李陰陰一水涯因人封殖更繁華湖光凝碧花飄錦春物惟應此地嘉

射堂

射者如仁求審固美哉成室序朋儕今時賓禮存無幾拾矢猶堪一獻酬

碧瀾堂

北渚清冷十頃波偶來憑檻意如何且觀秋水蒙莊論休聽滄浪漁父歌

野翠堂

郊原西與莽蒼連隔岸人家小徑穿滿目風光杳無際柳如山色草如煙

西湖

椒澤踈源勢不休繞城冰玉湛寒流鳥鷺容與菰蒲亂占得江湖一望秋  
飛蓋橋

朱橋轟轟兩圍間湖水平時柳可攀車馬等閑湖上去遊人常踏月中還

臨勝閣

近郭溪流一衣帶中流島嶼小蓬萊西園勝事憑高盡到者踟躕不忍迴

清風亭

廣寒宮殿試誇誕消暑樓臺久寂寥未似虛亭面空濶時時清籟濯煩歎

柳芳亭

春來何處最花繁湖水西頭百畝園無限遊人折紅蘂可憐桃李自無言

四望亭

高亭春望思無窮千里人煙指顧中比屋如雲農被野頤頤醇俗樂時豐

去思堂

丞相臨人以惠和三年鄉校起絃歌至今旌旆曾遊處猶道當時樂事多

西溪

夾岸垂楊展綠陰倚空庭樹照波心遊人不泛西溪水豈見回環野徑深

女郎臺

荒臺孤映拂晴霓曾是諸侯築館基一郡人誇最高處年年長作會春期

蘇魏公文集卷七終

蘇魏公文集卷八

宋太子太保右僕射同中書門下平章事司空魏國公蘇頌撰

逢年

喬孫萬靈重棊

律詩

耀庭

送祖印忠師南歸

擾擾京華客營營不自閑胡為邱壑者亦到市朝間孤月無留影歸雲靡定山東  
南清勝處羨子一舟還

和朱純臣兵部上巳錫宴

故事修春禊恩筵啟鳳林風光來莽蒼和氣動幽沈六豆分有貴千鍾酌醴深執  
蘭遊洧水忘味聽韶音鳧藻羣官意雲天上帝心叨陪宴滑召非服愧華簪

又和句院海棠

華萼相輝采翠重幾番濃豔九春中根蟠省闥偏含潤影拂隣牆暗逐風繁若百  
枝然寶炷深于三入染纈紅諸君賞咏時連屬珍重多才好事同

次韻程公闢暮春三首



日日尋春春欲還園林遊興未應闌間鷓鴣嘯衝牙韻爛熳花開歷綠團須信馬蹄隨處健肯教金盞暫時乾休驚節物頻更換適意歡娛定一般

再和暮春

黃鸝初嘯燕新還林館清虛景未闌危撥金膏傾臘脚封開綠絹試春團條風吹笋苞猶嫩穀雨催花色漸乾若待休閑頻燕集牽拘人事恐多般

再和

十分春色九分殘計日追遊至夜闌月照餘花光燭燭露垂新葉影團團壅平培培管背尤宜厚汲引荷池莫放乾看即薰風催暑景要須佳玩兩三般

再和入省宿

雕龍辭辯幹時才重贊甘泉屈壯懷被擁綾香歸漢直食葷忘如似顏齊公闕多素膳仍謝休嗟薄領書堆案况是鴻鸞堂漸階公論共推資望久春雲高步信難排

和北軒薛荔

分得巖枝帶薛文壁間延蔓密含春元韻私稱不便借上字用搖風似展垂雲翼和雨疑騫化浪鱗寒對竹軒陵霰雪靜陪犀柄辟埃塵省闈不比山河遠休擬靈均詠若人

和清明後一日遊西池

萬家供張集西明綵艦芳林酒屢行強對鶯花無奈老時聞歌吹不勝恒輪困佳  
氣城頭近嘒喚清風語下生休沐儻閑須數往水邊庭際解朝纓

行次塘堤

淼淼寒流千里餘帶城襟壘似江湖侯王設險古未有敵騎窺邊今遂無數郡營  
屯歸耒耨萬家生聚利菰蒲長堤不絕才如綫南北衝衝是坦途

登雄州城樓

三關相直斷華戎燕薊山川一望中斥堠人間風馬逸朝廷恩廣使軺通歲頒金  
絮非無策利盡耕桑豈有窮自古和親誚儒者可憐漢將亦何功

接伴北使至樂壽寄高陽安撫吳仲庶待制

道路傳聞北守賢就中清尚是河間轅門卧鼓軍無警幕府屠歌筆不閒只合論  
思居禁闥豈宜留滞在邊關寧容舊客升堂室擬請新篇滿篋還

和吳仲庶待制見寄

幾日風沙結契懷忽傳嘉惠眼重開交情不改乘車約和氣先隨拔藻來元帥本  
由詩禮選行人愧匪語言才相逢且喜論平素若校文章未易陪

冬至日瓦橋與李誕少卿會飲

使傳驅馳同被命邊城迢遞偶相從風霜正急偏催老歲月如流又過冬方念去  
家千里遠無辭沈醉十分濃須知此會又堪喜北上河橋便寡踪

和王臨謝寄蜀箋雙井茶

鈴閣優閑斷句新客停傳誦慰馳神誠知擷露敲冰陋豈敵揮毫採藻春固乏瓊  
瑤酬錯寶多慙魚目換驪珍近來聞道談機迅更恐難當彼上人

來書云近於真  
如妙用不敵多

謝故以  
此答

和李少卿寄吳仲庶

延閣儒臣出撫邊指縱強敵坐揮鞭歌謠早已流南楚唱和今還到北燕

皇華詩  
皆是與

使遠諸君奏唱使客過從車結轍耕夫安佚土開阡更將佳句刊齋壁留作河間故事傳

和吳仲庶寄李子儀

五紀修邊好重關四向開村郊縱牛馬戰地長蒿萊過客朝連暮征輶去復回元

侯勤主禮一一倒瓶罍

和李子儀寄吳仲庶

並馳絕塞待燕隣喜過重關值故人闊別經年勞遠夢留連此日奉清塵威行列  
郡連營肅恩浹諸戎異域春願學子雲承漢詔未央官壁頌功臣

和李子儀瀛洲借馬寄安撫待制

塞草黃明畜牧肥，外閑千駟氣增威。  
權奇毛骨森相映，腰褭精神動若飛。  
暫借行人持玉節，屢陪方伯展朱旂。  
料君早晚趨嚴召，安穩乘歸從六駢。

和北遊

銜命初開朔土遊，故人威重肯回眸。  
旌旗在列千餘騎，榮戟遙臨十一州。  
令尹投兵方秉羽，羊公臨塞但輕裘。  
諸賢酬唱無閑日，卷軸今應束兩牛。  
李白詩云詩裁兩牛腰言其卷

大如牛腰耳

和吳仲庶龍圖寄德仁致政比部二首

道骨仙風擅世華，肯將璫玉混泥沙。  
潛郎未老辭朝路，傲吏歸來學道家。  
逸似子荆將漱石，清如中散本餐霞。  
應思平日市朝客，韉鑠拘攣正可嗟。

再和

勸遊城闕厭紛華，一棹南歸出白沙。  
簪紱棄來如釋負，山林到處便為家。  
流泉繞舍銜金玉，仙餌盈槃泛露霞。  
珍重宗英嘉隱操，達哉清句重咨嗟。

某忝被給札之召，伏蒙景純學士大丈寵示嘉篇，且述早歲先人試職之日，嘗亦相遇於政府，感愴不已，輒次高韻。

先友勤渠慶得時相逢仍在右垣扉負山徒荷君恩重起草多慚筆力微早歲應門叨賞識幾年聯襁接音徽雕章華藻蒙褒賁知我從今不患稀

景純學士丈再錄早年見慶召試嘉篇重用前韻奉和

載世交遊共一時立朝幾見闔門扉官班早合登青瑣星象俄聞返少微曾向瀛仙陪雅集更同綿絕講鴻徽江干千里勞魂夢常恨平安信息稀

與次道集賢諫議元素翰林赴冲卿樞密諫議見招宴會同賦

江淮罷郡許歸朝臺閣重來鬢漸凋內禁羣英容接武西樞元弼記嘗僚當年已絕坐中禮此日猶蒙客右招衰病不堪還自慰交遊相繼上層霄

用諸公本韻各和一篇共三首

早陪鸞鷲侍彤闈旋見夔龍陟近司西閣屢觀新詔草東曹猶記舊文移半途霄壤成分異幾歲江湖役夢思席面故人皆顯重可憐顏尉獨危眉

右用冲卿樞密諫議本韻

二紀書林得並遷外沈俱喜在樽前非才幸復登羣正大筆猶稽直五軹欣聽友

聲同伐木坦忘情累似虛船白頭光景尤須惜樂事相逢且豁然

右用次道集賢諫議本韻

繼踵螭階入右垣曾參何敢望淵騫

某向忝右史陞西掖皆承元素舊縱唐列複門人論曾參以後至故不得預十子之列

重慶登庸命樞閣仍陪話舊筵貴賤交情都不改始終風節固難遷公卿平日推

高譽朝論今誰過鄧先

右用元素提舉內翰本韻

寄題傅欽之學士濟源草堂

大形南址直河津君有茅廬涉水濱蒼翠入簷藏絕景潺湲繞舍隔囂塵久遊臺閣忘聲利長憶漁樵狎隱淪待得功成年至日歸來不負故園春

寄題蒲傳正學士清風閣

閣倚青山書滿堂門齊通德里高陽傳家載世惟清白教子何人似義方班嗣一邱雖道卷劉商七業已名彰他年駟馬充閭貴須信文儒澤施長

寄譚經清行大師

輦寺棲遲不計年衡門無異對林泉試闌給筆頻辭命譯館翻經屢奏篇九陌塵埃方外境六時香火靜中緣思陪文室談名理自媿常為俗累牽

送王彥祖學士守毘陵

黃州終始宋名臣載世逢時見裔孫賜第中宸躋甲等遷官京寺出殊恩文章已復光儒館風節應須繼祖門堅請麾符知有意聊將慈惠振元元

彥祖皇祐中提舉士日仁宗皇

帝以名臣之後特陞甲科其後考課當陞評祝中旨復令優遷

和王察院竹篠港阻風七言

聞道扁舟下迅湍，怒濤驚浪擁前灘。  
岸迷津際居無定，人隔過從意少歡。  
風信未回聊對景，歲華將暮自凌寒。  
君才一日能千里，直上青雲亦未難。

冬夕會諸同僚與稅舍弟郡齋飲話通判歐郎中二絕句紀事見寄次韻

弟兄叨郡兩淮間，賓友銜杯午夜歡。  
喜聽語言消酒力，更欽風義敵霜寒。  
立朝才薄幸潛郎，出守恩優更養堂。  
賴得同僚借河潤，坐令尸祿荷龍光。

次韻蔣穎叔遊西湖入南屏山

樓臺高下滿仙風，疑是蓬萊象帝宮。  
湖面涵虛雲漾漾，山腰藏景石瓏瓏。  
松筠影出紅塵外，鐘梵聲來碧落中。  
薄暮將歸起餘思，落霞孤鶩正橫空。

寄題吳興墨妙亭

漢唐遺刻在江干，右史殷勤輯墜殘。  
剔去蘇文人乍識，傳來墨本字猶完。  
六書體法從茲辨，二費聲光遂不刊。  
何必臨池苦縈思，燕間時得座隅觀。

和歐陽永叔少師會老唱和詩三首

得時行道貴知終，猛退如公世罕逢。  
擲棄浮名同敝屣，保全高節似寒松。  
文章千古追謨誥，勲業三朝鏤鼎鍾。  
見說新堂頻燕會，故時賓客定相容。

公嘗見約異時願上相尋某亦

有意乞度以依舊館



右寄汝陰少卿

富貴功名已兩忘，望高嵩華量。包湘還家傲，似蒙莊子定策忠。於漢霍光達訪交，親情益重共論詩。酒興偏長園亭繼，日休車馬却悔當年滯廟堂。

右和南都趙少師

出守嘗希阮仲容，剖符仍繼夏侯公。漢剖符封滕公為汝陰侯金華舊侶三賢并，綠野先歸二

老同宴會莫如今。日盛唱酬還有古人風，自嗟流落江湖外，不得尊前聽燕鴻。檄

臨淄公守潁日有燕鴻等歌詞五闕

右和汝陰侍讀

送丁郎中守江州

南朝兵馬臨江鎮，聖世揮符守土臣。此日風聲動溢浦，早年名譽浹淮隣。君前此

琵琶昔有天涯曲，艣艇今無境外人。退食優游多勝賞，盃觴不負庾樓春。粹齊安

次韻葛大卿題江氏寒光閣

溪凝藍黛合雙川，閣在千巖萬壑前。漱石我思清病齒，倚琴誰共聽流泉。雲生北嶺橫空白，春入東郊一望鮮。况是江南風物好，待君重詠四時天。

次韻柳郎中二詠

蒲條圍坐雪添瓶側理糊窗熾炭明常對圖書堆四壁却思裘褐勝雙旌道心生  
後安休息事局閑來怕踐更睡足定應輸杜守窮愁何必學虞卿地熾

百幅敲冰密屬連寢甘誰復請便便心閑好隱忘言几官冷宜鋪坐客氈烏布任  
寬忘道韻絳紗徒侈怯霜天休嗟拋擲縑緩貴據榻猶勝枕紙眠

蘇魏公文集卷九

宋太子太保右僕射同中書門下平章事司空魏國公蘇頌撰

逢年

裔孫萬靈重景

律詩

耀庭

次韻林次中察院經過南都見寄

都府曾為入幕賓，玉符重忝守藩臣。幾年流落甘閑散，平日交遊半要津。簿領沈迷千慮耗，鬢頤衰颯二毛新。聖恩休養深知幸，厚祿華堂許便親。

次韻次中寄莘老學士

曾見臺烏朝夕飛，尚稽雙鳳浴天池。遠方隨牒應難久，同好彈冠即有期。佐幕暫來光右席，莘老居佐留幕還家聊去植芳籬。次中還吳葦居睢陽老尹欽才望，待看同升贊盛時。

又和次中答莘老見招

近甸無辭暫駐車，吳門雖好隔重湖。且嘗竹苑迎霜兔，休憶松江上釣鱸。老見交朋尤眷戀，醉吟風月好躊躇。廣陵喜得賢賓客，簪履光華勝瑤珠。

次韻久雨言懷

久雨淋漓決甸圻層雲晡暖壓城低沈灰將恐盡生竈負土深防蟻漏堤汴流泛漲府官  
所避冷竹窗烘炭獸今歲早寒九月攤爐禱晴琳館抗旌霓知君方欲行千里早晚殘霞却  
照西

次韻奉和次中叙別

嘉句連篇惠好音愧無瓊玉報南金幾年漂泊離羣恨此日逢迎話舊心氣類自  
應憐茂悅世情誰復擬高深且將懷抱還尊酒莫為思歸動越吟

次韻劉莘老學士惜別言懷兼呈次中察院

梁園寒早雪霏微親友將分一棹歸客舍蕭條風送柳離筵淒慘酒霑衣霜臺二  
妙君相繼幕府三端我所依况是汴渠今不涸留連猶得奉音徽

再和

詩侶方逢夢與微

白公書呼劉元為夢微蓋相親之母

攄懷未盡遽言歸正思玉鱠將登俎應笑緇塵

又染夜金石交情知不改輔車形體自相依何時得遂江湖樂薄宦牽羈甚纒微

次韻蔡資政答朱寺丞惠千葉桃花菊

分得穠華質依然苦蕙香繁紅如上苑

京師近多紅菊即此類也

密葉勝南陽不用尋根葉須

留過雪霜殷勤送東閣脚薦百年觴

送洞霄宮王文玉學士歸吳

仙都補吏向天涯，歸棹南遊事事嘉。  
冬課洞庭千戶橘，春嘗石縫一槍茶。  
蓬山厭直拋鉛摘，公府傷離念棣華。  
二紀編酬老朋伴，何時相逐訪烟霞。

林次中示及追和浙西三賢述夢詩，其間敘衛公事幾盡，輒拾其遺逸，再次前韻。

曾覽三賢述吟哦，日幾遭文章。追李杜，贈答擬劉曹，二相逢，長早中山擅價高。才華固相若，光燄實難韜。智決推安邑，超騰自鬯髦。武謀家府秘，晉祝史君褒。任重函牛鼎，投虛剗兕刀。內廷纔視草，同列便棲毫。夷夏欣寧謐，掄揚頌最彙。臺烏栖直舍，廐馬借拳毛。對數開宣室，忠逾諫館陶。絲綸長慶制，奴僕楚人騷。雙節分千騎，滄波看六鼉。帶垂金郭落，服賜錦蒲萄。憂國常箴衮，延賓罕置醪。韋平門素貴，周邵職奚叨。在鎮民除瘼，還朝雨潤膏。星霜恩感舊，休沐事忘勞。去蠹過蠹蟻，防仇甚柵葵。躬仍主戎索，手不釋書條。相以父年入，權因主眷操。神鋒雖爽爽，靈府亦切切。烏嶺無遺鏃，維城獨贈袍。風波消橫議，枳棘奈羣豪。既悟方城語，何由別墅處。間言多斐貝，間地少蹊桃。世路山川險，愁腸冰炭熬。兩朝空獻替，萬里孰呼號。都為尤權勢，終令觸怒濤。災屯疑是馬，朋敵目為牢。伊昔來江海，頻年泛棹篙。

再違文石陸三擁浙西旄夢覺魂應斷詩成首重搔緘封寄僚友往復走貂舳殘  
漏傳軍柝新流漲郡濠所懷存北闕有志念東皋豈謂投荒裔從茲解袞弑平泉  
遂榛莽甘露漸藜蒿像寄浮屠宇香焚過客艘依然見塵迹流恨水滔滔

留臺蔡資政見示嘉章且有花時之約忽蒙除代恨阻親依因抒鄙懷仍依

元韻

清羸躬現疾出處道遠周當軸諸人望謀邊緩主憂莊環聊造適伊鼎待烹羞見  
約高齋會將行尚少留

和府推官冬菊

經冬寒菊已離披梁苑殘英尚滿墀尊酒還思元亮醉秋香又過子愚期尋芳意  
思人尤厚耐冷枝條土所宜

隹陽土  
最宜菊

墨客有誰偏好事留將樂府著新辭

七言二首奉答簽判學士

兩篇華藻敵南金辱贈應憐舊賞音平日所知誰莫逆老年於事已無心雲霄路  
在看君上詩酒盟寒且共尋屈指當時文學士誰知楊子思湛

平深

常愛君房言語妙仍欽叔度德名高受釐宣室行膺召置酒梁園喜鬢髮辯博方  
親談袞袞別離俄起恨勞勞臨歧更辱殷勤向衰拙何勝異日褒

解秩西還夕次葛驛二通判與簽判學士留府諸君遠出餞別情至禮勤輒  
成拙詩奉謝厚意

遠勞車馬出西城風義相高一府傾留幕經年叨主諾郵亭終夕困飛觥人煙數  
舍將歸路霜月三冬愴別情政拙自慚無惠愛尚憑河潤慰羣氓

七言送林次中南歸

何事頻思江海間清時美彥未應閒襟懷舊貯縱橫術獻納嘗開咫尺顏吏隱尚  
勞趨幕府郊居毋苦戀家山尊鱸正熟雖堪愛羔鴈相催又北還

和次中雙廟感事

天寶黎民困賊庭祀城隍社勢相形四公百戰期殲敵數載重圍不啟局當日捐  
軀全土境至今遺貌載丹青行人安得侵松檟樵採從來禁有刑

某忝命守餘杭楊元素內翰泊兩禁諸公出祖佛寺席上探韻賦詩以寵其

行某亦分得留字

時李承之侍  
制帥延安

內閣臨邊貴鑿坡主席慶賦詩嘉趙孟載酒餞韓侯何幸江城守容陪禁序游烟  
霄漸久隔聲氣荷相求笑語隨春煦歡酣永日留百分傳餞尊五熟薦包羞西望  
千兵盛東歸兩槩浮感時嗟老病去國動離憂遂別青雲友重為滄海舟應憐舊



簪履猶著故巾，講袞字榮褒寵瓊瑤。之報投惟將誇遠俗歌詠入吳謳。

次韻奉酬僉判呂殿丞燕集西湖

江海為藩地絕塵，湖山尋勝坐邀賓。消除祥暑忘三伏，追憶曾遊隔五春。極望林

巒橫紫翠旋，供有核利青。彼常時欲到，喧囂阻偶得相陪。似宿因。

王沂公喜延賓客嘗與一道人

走筆奉酬僉判嚴丞遊思上人院

坐閣何時得少休，羨君乘興喜尋幽。每逢幕府文書簡，便作湖山佛寺遊。巖畔揮毫傳麗句，林間炊黍飲香盞。會須偷撥閒忙日，更上高軒看碧流。

次韻奉酬通判姚郎中宴望湖樓過昭慶院暮歸偶作

山半樓臺遠曲堤，水風當夏却炎威。常思徧覺前朝迹，自恨勞生暇日稀。偶到上方憑檻久，况如負嶠躡雲飛。白蓮舊社空遺址，有幾人從此路歸。

再次前韻

巋然華屋四開扉，經構初憑佛火威。元名看最是一州孤絕處，不因嘉客到應稀。

凌虛自覺雲梯近，消暑聊將玉盞飛。人士莫嗟山簡醉，猶能倒著接羅歸。

再酬三次前韻

千里江山昔霸基百年文物愴皇威閭闔櫛比於今盛塔寺鱗差自古稀極目烟霞時顯晦忘情魚鳥自潛飛何須遠慕島居者乘興還來興盡歸

和僉判早秋見寄

滄海西垠淞水頭人生不到負吳謳剖符何幸來都會坐閣俄驚涉夏秋每按吏條慚漢詔未豐民食念箕疇所欣幕府多才彥樽俎時時接宴遊

次韻楊立之十一官府館二篇

固無政術效前賢又乏詩名繼樂天連歲出藩居善地何時負郭有良田回風已隔三山路講德難偕四子篇滿目勝遊都未到且將圖畫與人傳

予到郡值吳歎涉五月尚未暇遊山

楚客登臨悲素秋感時風物自颼颼潦收連水清堪鑑雨過羣山翠欲浮月露往來羈旅恨倉箱十萬里民謳鬢毛衰颯歡遊少珍重嘉篇寫我憂

次韻楊立之懷舊

秋卷昔觀賓同遊上苑春歸軒今取道共食浙江珍俛仰周三紀文章了十人窮通不復問一以付天鈞

立之慶曆初與予場屋相遇因留館啟居

次韻楊立之贈京

小子方承學初心未見功雕蟲徒好賦舞象僅成童率爾多慚路師哉遠慕雄韻

洞如可教丈席冀趨風

和錢塘周寺丞遊南山

兩寺臨湖共一山名傳四五百年間  
臺前康樂翻千葉井上仙翁鍊九還  
掛壁空存遊客詠掩關都屬野僧閑  
欣同僚友尋幽趣嵩石雲蘿水日攀

和衮弟到郡先寄

雖非祿厚與官尊多幸名都遂出藩  
訪舊過遊江北路提封連接海西門  
六年往復頭先白四郡推遷席不溫  
衰病早宜歸畎畝君恩未報自難言

蘇魏公文集卷十

宋太子太保右僕射同中書門下平章事司空魏國公蘇頌撰

逢年

裔孫萬靈重栞

律詩

耀庭

觀湖三首

海門雙峙隔滄溟  
潮汐翻波勢若傾  
萬疊銀山橫一線  
千盪鼙鼓震重城  
來無源委逢秋盛  
信有盈虧應月生  
今古循環曾不涸  
談天閎辯豈能名

嘗觀七發論濤篇  
比物侔形恨未妍  
聲入閭閻家十萬  
勢陵組練甲三千  
馮夷海若憑深險  
種魄胥神竟後先  
縱使風波能鼓怒  
終歸漩澗作澄淵

橫江白浪湧崔嵬  
應是波神羽衛來  
陸戰百重馳道遠  
舳艫千里峭帆開  
緩如積雪飛霜路  
急似砭崖轉石雷  
惟有東西爭渡者  
暮還朝往任相催

次韻和前漳守馬郎中三篇

遊山

西山高下極深幽  
十里清波一棹遊  
喜逐御風真造適  
徧題僧壁更遲留  
松間覓

徑因竊險亭際披雲盡露秋却羨官閑無檢束徜徉何異五湖舟

碧波亭感事

華堂直北望雲烟勞遠勤歸此待賢下榻喜逢徐穉至登舟常羨李膺仙知君將  
奏三年最感舊曾歌一夜憐紅粉若能留客醉不辭飛蓋共陶然

卽中庵話陶尚書奉使至此事跡

續觀潮

江皋空濶見東溟兩訊潮隨遠近生夾岸炎天迷雪嶺居人晴日駭雷聲客帆朝  
暮乘風去漁罟東西逐浪行盡道波神久恬靜應緣四海正清平

次韻錢塘周寺丞獄空

網疎由世教訟息偶年豐園土無留繫黎氓識變風時方還治古今欲訓民中宣  
布來千里興行自一同吏寧嗟畫地書亦簡司空共對承平理唯思盡至公

和究弟遊湖上諸寺二首

叢林四百見州經盡在錢塘舊縣衙十里湖光連北郭千尋島翠遶南屏松間幽  
徑迎冠蓋竹裏飛泉入戶庭勝境無因朝日到羨他禪伯老林扃

湖山不到每馳情與客逢迎暫駐旌鷺嶺飛來詢慧理龍宮吟就續延清僧房有  
竹循門見磴道攀蘿盡日行交臂晤言欣得侶上臺專使對仙瀛

韓君晉作卽君節推皆被命專

幹役事與明州梁  
況之學士同會

和充弟與梁況之學士同作四絕句

南山到處待揮毫，逸似凌雲羽翮飄。  
好著碧紗籠寺壁，更將金刻置巖標。

右紀況之學士題壁

偶陪嘉約出重闈，自覺超然隔世塵。  
若欲徧遊山下寺，直須經歲駐征輪。

右呈況之常叔立之

湖上歸時暮氣侵，松香花露拂巾簪。  
萬家燈火沙河裏，月色相和廓暝陰。  
鄞江東望水連空，越嶠明峰幾萬重。  
誰識此行多樂事，揮毫一曲飲十鍾。

右二首並和況之元韻

次韻充弟忠懿王祠

五君相繼擅吳方，坐視羣雄取亂亡。  
侍子奔馳先入貢，隣邦旅拒獨勤王。  
豈惟佛刹傳遺像，自有孫謀襲懿芳。  
應似竇融歸漢日，功名累世到瓊章。

漳州知郡郎中見示旅次感事輒次元韻

江干邂逅再經旬，每挹清風歎絕塵。  
鍊得輕軀同槁木，養來和氣勝陽春。  
官閑不廢修金訣，功滿終須禮玉宸。  
自顧衰殘多俗累，何時方外去相親。

郎中留意丹  
術有年矣

次韻僉判同登介亭

紛紛塵事厭煩冥何處能令爽氣生  
簿領欲迷頭不舉煙霞纔望眼偏明  
門臨滄海千重險地厖高邱一再成  
若論三山方外境須將此地擬浮瀛

次韻和錢穆甫答僉判殿丞臨安道中作

吳越開基舊土疆鑑山仍是種瓜鄉  
七朝賜履加尊寵五世苴茅奉憲章  
里社依然題畫錦昆雲不絕佩鬘囊  
人懷餘德能封殖猶有當時似蓋桑

武肅起臨安並吳越嗣王麻五

代迄本朝皆加萊命故宅為院至今罕木猶有存者

次韻葉布虞秘校同遊天竺寺五絕句

蠟屐終朝踐石苔飛鳥不動絕風埃  
片雲忽作人間雨盡道靈山應禱來  
驚峰何代落山隈每到須清一世埃  
歎息俗緣常窘束半年纔得兩回來  
山半僧軒四面開下看城市一浮埃  
此間真趣誰能辨飛鳥空中自往來  
叢林澗水盡縈迴崑室雲房不染埃  
若使此中容小隱會須卜築賦歸來  
檻前常有施生臺窗隙都無野馬埃  
掩室道人偏得意經年未省入城來

和許秘校同遊兩天竺

柳浦重城忝建旗舊吳星分斗牛墟  
鷲峰遺跡奇難狀大士靈光應不虛  
遊伴偶



陪賓結駟有疏深愧食無魚

是日素膳

高談終日窮幽賞俗累塵襟頓釋除

和僉判郡圃早梅

綠萼丹跗曜素光東園先見一枝芳  
凌晨霜點鉛胡粉滿檻風飄水麝香味入和羹  
來傳野聲隨邊角動漁陽山亭最好通宵賞  
微雪相輝映月廊

和安上弟遊湖山諸寺二篇

四百僧居勝沃洲北連高嶺萬松稠  
似將天下江湖景都作雲屏置一州  
十里湖山遠四門游人朝暮隘重闥樓臺遠  
近連郊郭到處皆為水石隣

和稅弟矮松寺留題

曲幹隱騰蛇樛枝展翠華何年喬嶽種  
移植法王家得地烟雲潤盤根歲月賒  
縱橫齊殿角偃蹇拂檐牙數粒宜充釀  
收黃好代茶風生驚砌鶴日照亂城鴟  
牆仞高藏節河津暗長茅息陰人接席  
題壁字如麻據類眠梧穩攀疑搏獸擎  
宮槐低可並譙檜大無加雖異明堂柱  
終同象載車殷勤與封殖莫使溷塵沙

和安上弟雨雪應禱絕句

霰雪為霖近浹旬江湖清氣壓冬溫  
應時豈是誠能感作物宜同易畫坤

和安上弟雪中登介亭

滴瀝泉池亂藥珠，悠悠僧壁點頰糊。登高偏見遠山好，萬瓦參差篆玉符。

次韻姚倅正月三日遊山道中口占

車馬西郊踏曉光，城隅一徑遠羊腸。泉流帶雪添膏脈，山色逢春變鬱蒼。雲外樓

臺晴掛影，風前松檜遠飄香。仁祠久禱蒙嘉應，預慶農疇歲襲祥。是日彥聖禱上天竺

次韻禱雪有感

纔過元朝欲首春，條風先度海東門。寒凝一雨成飛雪，泰長三陽應上坤。疵沴漸消和氣滿，詠歌頻發味言溫。人情共喜年光好，不向樽前未易論。

次韻晁美叔遊山見寄

已踐修途到急流，暫回俗駕喜同遊。名為外物知難必，學悟無生信若浮。美叔近留心禪觀騷雅深情，追李杜林泉高興。拉巢由遲留，更愛靈峯境。青桂風來不待秋。

奉使還至近畿先寄史院諸同舍二首

書林輕別紫雲叢。史院在燕殿南輶傳重行北斗間。正類子卿悲異國，不同太史訪名山。

次道出相臺正仲子中禱，衛廬安中謁告淮浙邦直案。州京東雖經出入皆有山河之賞，與使異域不類也。鞍韉騰踏雙牕重，風日煎

熬兩鬢斑。待得使回繡纈，嘗只應新例又刊刪。

倏忽經冬又涉春，年光冉冉暗催人。要荒一去三千里，晦朔俄驚十二旬。絕代方

言空問俗蓬山直舍已疑塵汗青何日成書去頭白常慚竊祿頻

和宋次道戊午歲館中曝書畫

鴻都清集秘圖開偏閱真仙暨草萊

是日諸公觀畫尤愛梁令瓚題吳生畫五星二十八宿真形又謂淳化豐稔村田娶婦圖

曲盡田舍佚樂之意態

氣韻最奇知鹿馬丹青一定見樓臺

韓幹馬東丹王十歲鹿荆山水屋木皆為精絕

宴觴

更盛華林會坐客咸推大厦才久事簿書拋翰墨文林何幸許參陪

次韻孫莘老司諫見寄

來書云聞有修史之命佳作比至而予出守濠上矣

雖非文史足三冬豈類無心但有胸曾讀五墳叨典領再分符竹荷矜容君恩欲報微螢爝親祿方營苟釜鍾平日交遊今楚越徒勞瞻望景山松

龍舒太守楊郎中示及諸公題詠洛陽新居見邀同作輒依安樂先生首唱

元韻繼和

仲長買宅近高山饒得羣芳不費錢地接伊渾宜水竹門臨嵩室足雲烟未拋簪組真朝隱更有田家即世仙滿篋新詩俱大筆鑿楹留待子孫傳

抱朴子有住世神仙

次韻林次中九日都下感事二首

桃杏初開已去家又逢蘭菊綻新花感時謾綴茱萸佩惜別應憐棠棣華

次中是日別唯

伴令弟歸迢遞宦遊來日下悠揚歸思繞天涯一尊重到平津閣惆悵文窗舊綠紗

登高能賦屬詩家况值嘉辰對菊花乍感商飈流素籥故離鴻藻艷春華邊闕禮  
命行看至淮海歸期亦有涯早晚霜寒侵旅榻又懸複帳換青紗

次韻致政華殿丞懷舊見寄

佩鞬相從四紀前鯉庭論契荷忘年文如潘陸傾江海學造重黎絕地天簪紱棄  
來名已厭鄉閭歸後樂應全冥飛尚憶樊籠舊未副初心愧昔賢

天聖中先人宰無錫某生十二

年矣初為舉業與宣卿接陪硯席不以年華遠隔論議無  
間蒙益尤多一自睽違南北深阻追懷平昔不禁愴然

和孫節推雪四首

臘催時雪到江涯雲壓寒空凝不飛臺榭風光先有意山川秀色遠相輝人懷姑  
射清難見詩似陽春和者稀聞上高樓尋勝賞緬懷嘉尚重依依

又兩絕

江天慘淡物華新四望漫漫起玉塵但怪長衢已盈尺豈知閉戶有高人  
看雪宜臨廣路津年年光景見長新不知滋液功多少且慰東皋首種人

又和十二月十一日雪

臘前寒雨已為霖一夕皚皚變暝陰春圃暗驚花萼早客舟偏覺漕渠深都無車  
馬塵過眼惟有尊壘酒愜心共喜時和成美歲預知氛祲不能侵

方公說通直見示與小子京和答棋詩四篇因次本韻繼蒙寵惠前後凡十

五篇牽強奉答

思湧如傾潮汐池才高早契聖明知

丞相荆公昔薦才美即時各對擢使江西

省中一語開天意江表

三年得吏師通舊辱投文舉刺可人欣對費禕棋更觀麗白胎初學豈謝韓公薦

士詩

衰病常求飲上池藥投堅痞苦難知

某久若腹癰漢晉方書以服藥應病為知

閑揮綠綺歌三樂靜玩

韋編誦九師縱有文章憂甌觔劃無機智懶行棋

淮南子云行一棋不足以見智愛君高唱多才

思撩摘羈懷入小詩

久從閑僻向滄池忽見嘉賓喜可知觸熱正煩思美廢卧病方苦遣良師欲留盡

興時須飲要取忘憂祇有棋二者已欣陪造適解頤仍得鼎來詩

和前三篇

孟郊篇什况咸池

唐人題孟郊三百篇為咸池其取退之作詩三百篇杳默咸池音之義

夫子文章我所知豈特曹

劉同品目固將蘇李是宗師語如轉彈逢直賞

事見南史王筠傳

喻到鑿兵說國棋所集

若攜歸闕下諸公應序盛山詩

山公偏愛習家池每出遊時醉不知既見國僑如舊識何須阮籍乃吾師亭邊茁

萬鋪新錦水際閣閣近布棋欲作宣城十日飲留連夢得似敦詩劉禹錫赴歷陽佳羣在宣城以書招之云不十日飲不置子

百雉金城十仞池天聲遠憺遠戎知剖符但報三年政推轂無勞六月師邊馬逸歸常見畫塞鴻征盡着殘棋欲歌盛業虞周雅須假清風吉甫詩

### 再和三篇

莫歎潛鱗久在池已喧才與滿朝知雄辭自可吞雲夢博識應能對仲師沈約問劉杳曰

何球天纂文載張仲師長二寸有何所出杳曰事見王充論衡榮辱早諳真采選競謙不校古儒棋後魏游擊製奕法名曰儒

謙止競使還即見金門召况有中和樂職詩

聞君八法擅臨池擲押工夫世少知陸布聲書法有擲押鈎格祇五法南唐李後主又增導送二法學者伏膺虞

秘監時賢求範永禪師某書藏楊師道帖稱智永書云欲求一二字範之流傳異日須懸帳交質何人敢

對棋近世士大夫多斂手薑芽柳家樣解嘲幾困老劉詩劉柳相戲絕句見子厚集

兵厨釀酒宅連池龍堂池在州解康不滿百步為郡優悠每自知鈴下文移歸幕府案前頤指

走籤師宋齊郡府史有與籤師之名農桑課罷聊行樂朱墨閑來好序棋柳子厚文序棋一篇其格以朱墨書

貴賤為勝員飽食將何報豐祿歌時惟咏阜財詩

公說再和並前十五篇輒復課六章用足前篇之闕

汪汪雅量若吸池才畧縱橫未易知  
振藻詞場無法敵游心藝苑有餘師  
獨醒繼日長辭酒坐穩閑時但校棋  
塞北山河徧登覽吟哦馬上足新詩

皇華幾月案鹽池鈎按從來未有知  
隱伏無由逃計最勤勞長足做官師  
事逢錯節皆投刃利析秋毫類算棋  
他日朝廷詢此事講論風俗待陳詩

欲養蛟龍謾鑿池惟應道術兩相知  
論年校德予慚老強識多聞子可師  
盍彼盈虛門若市明於取舍智猶棋  
幹時已副寬民詔沉俊休吟詠史詩

封境東連浴日池川源近監四方知  
水官無事延年計估客應求范蠡師  
樓閣嵯峨千里鑑田疇夷坦一枰棋  
追尋燕友南皮會誰繼曹劉七子詩

荷葉田田水滿池東堂真趣幾人知  
折華暇日尋園吏競渡經春習棹師  
隨分命賓仍授簡不妨問易更看棋  
殷仲堪哀尼事見世說歡懷既適從何見  
事事忘言盡在詩

莫笑凡龜戀澤池不斲刻灼効前知  
親逢日月光華旦勉慕淵源浸漸師  
義切仰山勤景行事迷當局戒貪棋  
衰遲猶竊君侯祿深愧唐風伐輻詩

和孫節推寄羅發運

一瓢賢巷僻如山十部文移日滿前  
輟得閑時常命駕和來新什已盈編  
交遊莫逆心相照出處雖殊道兩全  
能使清風激頽俗世情誰得議高堅



又五言

道卷門常靜心閑眼勸開忽聞賓榻掃為喜使車來世事浮雲過時光暮雪催放  
懷何所係卒歲自游哉

元豐己未三院東閣作

十四首

元豐戊午夏予尹京兆治陳氏獄言者以為推劾不盡詔移大理而理官  
推迹陳氏姻黨干求府政縱出重辟事下御史推求己未歲予自濠梁赴  
臺訊鞫卒不涉干求之迹而大理反有傳致之狀雖蒙辯正聽命久之不  
得出邑邑不已作詩十篇記一時事非欲傳之他人但以示子姪輩使知  
仕宦之艱耳

防人不善自為謀對吏方知口起羞本為追胥寬逮繫何期僚屬致增尤

初有司欲追太

湖縣樂行人以證罰藥子以為非切要道達不追及被坐獄官歸罪於子溺友竟欲焚安國書牘誰將念絳侯惟有丹

誠貫金石風波飄蕩任沉浮

構虛為實盡枝辭直道公心自不欺眾口鑠金雖可畏三人成虎我猶疑

軍巡官吏指子

平日語言中甚有鄙俚之談子亦自疑何至云爾皆為承之

忠邪所賴圓穹鑑通塞須憑大衍推况是聖神方

燭理深窅終有辨明時

子方自証忽蒙辨正

吏議推窮舊話言畏途迢遞冒風瀾兩詞罷對文移絕一室常眠枕席寒鬱鬱久  
居人共嘆皇皇求義我知難誰料美里匡陳事便作閑堂紫極看

平日論心友與親白頭臨事斗如新羸衣難喻疑金客束盞應無乞火人三省行

藏知有命十年流落困無津物情世態經諳練不假虛詞問大鈞

御史推治平日語言有涉于親

友者移文訊之既不承又有指為在禁妄引他人見治者而法不當坐

飛語初騰觸細文庭中交構更紛紜網條既甚秋荼密枉直何由束矢分御史昏

稱素長者初御史見訊于求之實云知公素長者同府徒半識故將軍院史洵府

舊華多致恭却憐比戶吳興守託辱通宵不忍聞時蘇子瞻自湖州追赴臺初嘗為

縱出由來古有誅徇私無實荷寬紓已知公冶本非罪免似鄒陽更上書刀筆任

從文俗議風霜方識憲臺居自慙衰拙將何用學術無堪政事疎

名絳臺章胃典刑聖辰無濫許原情尹京雖媿四方則廷尉亦非天下平三已自

知無愠色一屢歸去願為氓君恩天地何由報九死鴻毛比尚輕

推治無期任猛寬苛留累月尚盤桓風霜幾日經推挫案牘踰旬未省觀失勢我

如魚在網操權吏甚虎而冠南班小史猶知禮朝夕時來一問安

院中小吏插姓者朝夕來就問

中問安否

秋杪拘留冬欲闌一旬參對累旬閑適逢御史俱釐務

祖宗時不領他局專治臺事近歲三院並兼要職故

不暇更值中朝久絕班

假其御史求對乃釋適遣國恤久無班次故淹留又喻月矣

壁觀無言休問祖坐忘遺

照且晞顏是非榮辱知難必反覆須臾覺夢間

罷尹一年重置對去家千里涉寒溫青雲交友難傾蓋白髮慈親正倚門目斷濠

梁橫涕泗夢回京口役形魂寬恩若未投諸僞好奉安輿葺故園

己未九月予赴鞫御史聞予瞻先已被繫予晝居三院東閣而予瞻在知雜

南廡才隔一垣不得通音息因作詩四篇以為異日相遇一喙之資耳

早年相值浙江邊多見新詩到處傳樓上金蛇驚妙句卷中腰鼓伏長篇

予瞻觀雨望湖

樓壁有電光時擊紫金蛇之句又示予近詩一軸首篇答鮮于郎中云有如琵琶絃常遭腰鼓闌前人未有此意

仇離歲月流如水抑鬱

情懷積似煙今日柏臺相望處隔垣音響莫由宣

詞源遠遠蜀江流風韻琅琅舜廟球擬策進歸中御府文章傳過帶方州

前年馬巖使者

過餘抗求市于瞻集以歸

未歸綸閣時稱滯再換銅符政並優嘆惜鍾王行草筆却隨諸吏寫

毛頭

源流同是子卿孫公自多才我寡聞謀見推稱丈人行應緣舊熟秘書君文章高

絕誠難敵聲氣相求久益勤莫為歌詩能數昧聖朝終要頌華勲

近年出處畧相同十載遭迴我與公抗嫠隣封還謫後湖濠繼踵繫維中詩人曠  
曠常多難儒者悽悽久諱窮他日得歸江海去相期來訪蒜山東

同安裔孫萬靈錫經

逢年舜畊

晉爵耀庭

允恭子敬全校字

蘇魏公文集卷十終